

蘭節卷傷寒十書後序

傷寒十書乃臨川陶先生之所著集也先生

字尚文節菴其別號耳廣讀儒書旁通百氏

觀其著集方論治傷寒用藥如神非上窮素難下得張

劉李朱之奧旨者曷能以致於此哉今湖州陞任府尊

劉君天和見而異之遂將一提金的本瑣言截江網

明理續論殺車樵六本刊諸府中傳於建安銀梓久矣

所缺者點點金段段錦標本論治例四帙余家舊有寫

本不惶衰朽出而輻輳十本板足於書坊以與四方學

醫者共之如盛暑之冰盛寒之炭人人說而用之以達



口筆

醫

張

尊

網

矣

寫

學

達

古人施藥不如施方之意實吾儒醫國事也爰書此於
卷末以識其歲月云皆
嘉靖九年歲次庚寅九月菊日君溪菊泉居士潘軌公
度書

嘉靖辛卯歲季
春明德書堂刊

後序畢

陶節菴傷寒治例目錄卷之一

臨川陶華尚文集

類治証目錄兼論八十九道

傷寒統論 陰陽虛盛用藥寒溫辯 六經用藥格法

三陰三陽脉証 汗下溫正法 傷風見寒傷寒見

風脉証 三陽合病 春溫夏熱 痙病 風溫濕溫

証 風熱中暑濕 溫毒中暘 發熱 頭痛 項強

惡風濕 惡寒 背惡寒 寒熱 潮熱 侶瘧

無汗 自汗 頭汗 手足汗 盜汗 微煩 煩熱

懊懣音忪作惱 身痛 四肢拘急 咳欬 喘

氣逆	短氣	口乾	渴	結胸	胸脇滿痛	痞
腹滿	腹痛	小腹痛	嘔吐	乾嘔	下利	便膿
血	四逆	厥逆	不大便	譫語	小便不利	小
便自利	舌有白胎	臍結附	咽痛	頭眩	鼻衄	
吐血	心悸	發黃	發狂	筋惕內攣	多眠	不
得眠	發斑	咳逆	蛇厥狐惑	動氣	百合	不
仁	霍亂	陰陽易	佛鬱	瘥後昏沉	瘕瘕	時
行兩感	戰慄	飲酒復劇	循衣摸裳	浮為在表		
中為半表半裏	沉為在裏	少陽脉論	皆惡寒			
<small>寒熱問答</small>	<small>承氣湯問答</small>	<small>加減九味羌活湯易神解散</small>	<small>大柴胡湯問答</small>	<small>小柴胡湯</small>	<small>日錄畢</small>	

新刊陶節菴傷寒治例直格卷之一

臨川節菴 陶華 尚文著

○傷寒統論

傷寒汗吐下之法最不可輕擬脉以驗證問証以對脉
 太陽者陽証之表陽明陽証之裏少陽者三陽三陰之
 間太陰少陰厥陰居於裏總而謂之陰証也發於陽太
 陽為之首發於陰少陰為之先太陽惡寒少陰亦惡寒
 但太陽之脉多浮少陰之脉沉細與其他証狀亦異也
 當用內外傷辯細推詳之凡發熱惡寒身體疼痛頭項
 強直或自汗或無汗是為表証而可汗不惡寒反惡熱

三陽亦有表裏在經者為
表在腑者為裏腑指胃
也若對臟言則胃又為表
矣

口燥咽乾壯熱腹滿小便如常大便鞭秘是為裏証可
下腹痛按之疼甚張長沙云按之痛甚者為實手心兩
腋澀上汗出是為裏証可下是也凡此數等不必悉具
厥冷拳默自利煩燥而無身熱頭痛是為陰証可溫夫
厥之一証亦當有辯凡初病無熱便厥是為陰証發熱
二三日而厥乃陽証也蓋太陽陽極侶陰証長沙云厥深
熱亦深也者浮洪緊數此表病之脈沉實滑數此裏病
之脈皆三陽之病微細緩弱此陰証之脈在表者邪傳
於榮衛之間在裏者邪傳於臟腑之內胃腑之下少陽
君為若傳次三陰則為邪氣入臟矣榮與衛均為表也

亦均可汗也然自汗為傷風風傷榮衛則以桂枝湯助
陽而汗之輕無汗者為傷寒寒傷榮衛則以麻黃湯助
陽而汗之重榮衛固為表也胃腑亦可以為表也然以
臟腑而分表裏者則在腑為表在裏者謂之裏胃取諸
腑可以表言若合榮衛腑臟而分之則表者榮衛之所
行裏者胃腑之所主而臟則又深於裏矣審脈問証辯
絡定經真知其表邪而汗之真知其裏邪而下之真知
其為陰証則溫之表裏有邪則為陽虛陰盛用發表之
藥溫裏有邪則為陰虛陽盛而攻裏之藥太陰經受邪
則為臟病而用溫裏之藥治熱如此而汗如此而下而

陽虛者謂表之陽氣衰陰盛者
和在表稱陰以其未變為熱也
陰虛者裏之陰氣衰陽盛
皆謂之裏亦謂之陽以其已變為
熱也

者以叔變

又如此而溫桂枝治氣投之可差姜附桂理中發而必
中大抵治傷寒有法治之少差死生立見古人立論其
旨深嚴曰可汗曰可下曰可溫曰和解曰少與曰急與
急下急當救表急當救裏與夫先溫其裏乃發表爾先
解其表後攻其裏謂知音者若網之有綱分條不紊矣
吁論至於此則知古人之意深嚴不可托也如此經曰
傷寒六七日日不了了無表裏証脉雖浮亦有可下者
少陽病表証亦有可汗者陰証四逆法用溫有四逆散
之類用之治傷寒醫在九流之中非圓枕繩索者不足
與言也脉雖浮亦有可下者謂其六七日不大便也藉

用宗榮

便大便不難豈敢輕下之乎陰症亦有發汗者少陰本
無熱而反發熱是亦未解表也故用溫藥以取汗藉使
身不發熱其敢輕汗之乎且四逆湯用姜桂附四逆散
用枳實芍藥柴胡甘草一寒一熱固不畔矣然皆主厥
去傳經之邪與陰經受邪初病便厥者不同用藥不得
不異也四逆湯用熱主陽不足而陰有餘也若張氏之
日數雖多但有表証而脉浮者尤可發汗日數雖少若
有裏証而脉沉者即須下之此又日數之不可拘也至
如陰極發燥陽極發熱陰証侶陽陽証侶陰差之毫釐
謬以千里可不深思而熟慮也哉

出者為虛出謂脈之浮虛謂
表之虛也入者為實入謂脈之
沉實謂裏之邪實也。陰邪
入裏直中之實也。不可誤認為
熱陽邪入裏傳經之熱也不
可誤認為寒。

陰出而乘於外者陽經所感之
邪未入於裏則稱陰非謂陰
經自受之寒出而乘陽之分也
陽經受風寒自當驅之使出
故曰陰出而乘於外亦指詳時
欲與陽入而乘於內自法相
對待耳。陰盛出外者寒
邪在表為陰邪在裏為
汗之使出若誤下之則引
賊入內矣。清與寒陽盛入
內者邪入陰分則變熱若以

陰陽虛盛用藥寒溫辯

夫傷寒一書所以陰陽虛盛則精微之義不無辯折於
其間四十八難經曰脉之虛實出者為虛入者為實蓋
以真陽既虛故邪而盛出而乘陽是脉浮於外其病在
表法當汗之當其陰邪入裏脉沉於內之時不可自惑
以為陽盛在裏真陰氣虛故陽邪以盛入乘陰是脉實
於內其病在內法當下之當其陽熱入裏脉實於內之
時不可自惑以為脉盛也是說非古人之立義也蓋使
人知如此之為陰盛則抑陰助陽如彼之為陽盛則抑
陽助陰陰盛而邪出外者發表之藥當性溫以助陽桂

枝湯之類是也或曰陰出而乘於外是陽之不足也發
汗則亡陽而汗之何哉是又不然陰邪傳於外不汗之
則邪何由而去桂枝之性溫上之乃所以陽有所助而
長則陰邪之所以消辛甘發散為陽者此也長沙所謂
承氣入胃陽盛則亡者正恐陰盛出外而畏以承氣下
之安得不亡者上下又曰陽入乘於內是陰之不足也
陰病則當有以溫養而下之何哉是又不然陽邪入於
內及下之則何從而出承氣之性寒寒之所抑陽陽受
其抑則微而真陰之所由長醋苦瀉泄為陰者此也張
氏所謂桂枝下咽陽盛則斃者正謂此也恐其陽盛入

桂枝汗之則以助熱抱氣
排火出得不云

邪在太陽表之表也故用汗以驅
之桂枝而陽氣以驅寒邪非
助陽邪也邪在胃腑鬱熱一
為尖極用涼劑以解之陽
證陰則清也○少陽居表裏
之中無出入之途故用柴胡為
熱而和解之○此條論三陽乃
陰証自宜之邪非陽証傳

表之熱也若陽証而傳宜用涼
劑

傷經受病太陽為先次傷則
少陽漸至厥傷而終此約界
淺深次序者然不可執洗夫
邪之傷人若經俱有自受不
必始於傷於厥傷也當一二日發
當二三日發等語在次第而
傳者亦以累其數未可作
准若各經自受之邪如因其
經之淺深以為發病日期之

內而慢以桂枝汗之又安得不斃之觀古人發表之藥
多溫攻裏之藥多寒則知虛實陰陽之微意非止為汗
下慢所謂正以用藥寒溫設也可不熟辯哉

六經用藥格法

太陽屬膀胱非發汗不能愈必用桂枝助陽邪○陽明
屬胃非通泄不能痊必用大黃芒硝以疎利陽熱○少
陽屬膽風木之化從乎其中無出入道非柴胡半夏能
疎能汗佐之以黃芩消解血中之熱○太陰脾土性惡
寒濕非乾姜蒼朮不能溫燥○少陰腎水性惡寒燥非
附子不能除濕○厥陰肝木藏血榮筋非芍藥甘草不

能滋養此用藥經常之道也

三陰三陽脈証

經曰尺寸俱浮者太陽受病也當一二發太陽經行週
身之後其脉上連風府故頭項痛腰脊強傷寒則發熱
傷風則鼻塞惡風○尺寸俱長者陽明受病也當一二
日發陽明前行於身故其脉夾鼻絡於目其病身熱目
痛鼻乾不得臥不惡寒反惡熱自汗出大便難○尺寸
俱弦者少陽受病也當三四日發少陽行身之側其脉
循脇絡於耳故胸脇痛而此三經皆屬陽受病未入於
腑者可汗而愈

耳聾

卷之四

三焦經通於傳經與自宗
傳經者為熱宜下自宗者
為寒宜溫

太陽二症桂枝扶陽以其表虛也
麻黃開腠以其表實也陽明
五症升麻葛根以解肌為其邪
在肌而無汗也桂枝以和營氣
榮衛為其有汗而惡寒也麻
黃以發汗為其邪在胸中無汗
而喘也大柴胡小柴胡以和營
中熱之輕者大承氣以和營
中熱之重者也

經曰尺寸俱沉細者太陰受病也當四五日發以其脉
布胃中絡於盛故腹痛而盛乾或腹痛手足溫自利不
渴。尺寸俱沉者少陰也當五六日發以其脉貫腎絡
於肺繫舌本故曰口燥舌乾惡寒口中和默也欲寐時
腹痛又咽痛二証。尺寸俱微緩者厥陰受病也當六
七日發以其脉循陰器絡於肝故燥滿而囊縮唇青舌
卷筋急或渴不欲飲食食即吐蛔。此三經皆屬陰受
病未入於臟可下而已

凡先問外証的當然後切脉別之一字如對之義不
可輕易看過先儒云有諸內必形諸外是皆臟腑受
邪形見於外也當與脉參而行之可也凡太陽病者
乃前所云本經發見之証也餘經倣此

汗下溫正法

太陽傷風桂枝湯傷寒無汗惡寒麻黃湯陽明不惡寒
反惡熱自汗出大便難大柴胡湯小承氣湯汗不止者
胃經乾急下之大承氣湯無汗惡寒升麻葛根湯有汗
脉沉微惡寒與表未解桂枝湯無汗脉浮而喘麻黃湯
諸惡寒與表未解桂枝湯諸惡寒皆屬表宜汗諸發表
未開不可攻裏少須慎之少陽並屬小柴胡太陰自利
不渴為臟寒理中湯四逆湯胸中脹滿只實理中湯脹

三陰經要言寒熱如太陰下利
不渴為寒宜溫腹中脹滿其邪
尚為逆表裡中者緩以導之也脹
而脈浮者表未除也故用桂枝以和
榮腹滿而時痛傷邪傷裏也
正氣相爭故加芍藥以和之痛
甚陽邪之重也故加大黃以導之
火陰之脈沉發熱者以其無頭疼
利其為少陰也陰病多難治今反
熱特寒邪在表外熱而裏不
熱故用麻黃細辛以發表間
之邪附子以溫少陰之經乾附
子麻黃發中有補也厥陰脈微

浮者欲愈者陰病見陽脈者生也
不浮者未愈也建中湯者五臟以脾
為主脾欲緩故用甘以緩之皮膏
以榮衛為主榮衛不足潤而和之
故用辛以潤散之辛氣不足收而行
之芍藥之酸以收正氣瘧狀者半
表半裏也故用桂枝以和榮衛麻
黃以發表邪也三陰經要言問單
言熱者傳經也仲景兼言寒及
自受也又元氣下陷也

滿脈浮桂枝湯腹滿時痛桂枝加芍藥湯者甚桂枝加
大黃湯少陰脈沉口不乾舌不燥皆惡寒小便白白虎
湯四逆湯如得病脈沉反熱麻黃附子細辛湯口燥咽
乾而渴急下之大承氣湯六經惟此一經難看大要必
口燥而渴知其有熱脈沉而遲別其是寒耳。厥陰脈
微而浮為欲愈不浮為未愈小建中湯脈緩而瘧狀桂
枝麻黃各半湯脈沉短者陰囊必縮為毒氣入臟承氣
湯下之利不止者四逆湯

傷風見寒傷寒見風脈証

熱盛而煩手足自溫脈浮而緊此傷風見寒証也。不
寒少熱四肢微厥脈浮而緩此傷寒見風証也。二者
為榮衛俱病法用大青龍湯然不可輕用為其脈但桂
枝而無汗病但麻黃而煩燥也須風寒俱盛又加煩燥
乃可與之改用桂枝麻黃各半湯為穩又不若九味羌
活湯耳以耳

三陽合病

本太陽病若汗若下若利小便無津液胃中燥轉屬陽
明是為脾約用脾約丸但有惡寒用升麻葛根湯不惡
寒反熱大便難少以白虎湯譫語者調胃承氣湯下之
若喘而胞滿者不可下宜麻黃湯太陽少陽頸項強急

惡寒者太陽病在表也
過經也二經俱見故為合病
併病則過經之在經則邪
在表之過經則下邪入胃腑也

太陽症罷表症除也

春三月夏至以前之傷寒謂溫
病以其寒氣之輕也不必論其冬
時伏寒之所發但見症施治
可耳但戒大汗夏病亦然

脇下鞭滿目眩往來寒熱並小柴胡。少陽陽明本少
陽病因發汗利小便後大便燥難胃中有熱調胃承氣
湯。正陽陽明乃本經風盛氣實也大柴胡湯大承氣
湯看虛實選用為當。三陽合病腹滿身重譫語遺尿
口中不仁屬白虎湯口熱乾燥不仁惡寒同治。太陽
陽明少陽正陽無表証者俱可下惟獨惡寒者太陽陽
明為合病未過經屬表可發汗宜桂枝麻黃各半湯蓋
在經則汗過經則下故也。九味羌活湯加石膏知母
只亮太陽陽明併病如兩家相賻併為一家之象耳本
太陽病發汗而汗出不徹因轉屬陽明續自微汗出不

惡寒是併歸陽明也。太陽病而熱在為其有惡寒也
桂枝麻黃各半湯或九味羌活湯尤妙。太陽証罷大
小承氣湯

春溫夏熱

溫病發於春三月及夏至以前是也發熱咳嗽頭疼身
痛口燥渴熱甚者脈必浮緊小柴胡湯微熱者升麻葛
根湯解肌湯不渴者小柴胡湯加桂枝者加五味子渴
者去半夏加括萎根人參煩渴者大柴胡湯微利之以
其脈實必大便難也虛煩者竹葉石膏湯。夏月傷寒
是為熱病發熱頭痛肢體痛重惡寒惡熱其脈洪盛用

痲病與太陽相類但傷寒脈浮
緊而風脈浮緩而痲則脈沉
細也

藥不可太溫如桂枝麻黃青龍熱病須以黃芩升麻佐
之不若九味羌活湯為穩○熱病脈三日後仍數邪充
在經可用桂枝石膏湯或值淫雨或病人有濕蒼朮白
虎湯○三月至夏謂之晚發用梔子升麻湯

痲病

痲當作痲榮衛受邪血氣不和強勁而不柔順也此係風濕之病非寒也

痲者先因太陽中風重感寒溫所致經曰身熱足寒頭
項強急惡寒時上頭熱面赤目赤亦獨頭面搖卒口
禁背反張者痲病也桂枝加栝蒌根湯主之○傷寒頭
痛常自汗出而嘔若汗之必發痲大發溫家汗亦作痲
新產血虛汗出傷風亦致痲若脈沉弦而遲或帶緊或

散於指外又皆惡候也發熱無汗惡寒為剛痲葛根湯
麻黃葛根湯發熱有汗不惡寒為柔痲桂枝葛根湯桂
枝栝蒌葛根湯二痲通用小續命湯剛痲為陽去附子
柔痲為陰去麻黃也要當識此不可不知胸滿口噤咬
牙脚挛臥不著席大承氣湯下之柔痲即陰痲也桂心
白朮湯附子防風湯八物白朮湯附子散桂枝煮散擇
用之

風溫濕溫証

風溫尺寸俱浮數傷於風因而傷熱風與熱搏即為風
溫其外証四肢不收身熱自汗頭疼喘息發渴昏睡或

體不仁慎勿發汗汗之則譫語躁擾目亂無精病在少
陰厥陰一經萎蕤湯人參敗毒散葛根龍膽湯小柴胡
湯選用未醒者柴胡桂枝湯。發汗後身灼熱知母葛
根湯渴甚者括蕞根湯。脉浮身重汗出漢防已湯。
誤汗風濕防已黃芪湯。濕溫寸軟而弱尺小而急數
傷於濕因而中暑濕與熱搏即為濕溫其狀心腹滿目
痛壯熱妄言自汗兩脛逆冷倦怠惡寒若發汗使人不
能言耳聾不知疼處其身青而色變是醫殺之耳濕溫
在太陰用白虎加蒼朮湯更加桂煎氣勝則一身盡痛
發熱身黃小便不利大便爽快五苓散加茵陳臟腑虛

自利甚理中湯木附湯

風熱中暑濕

風濕脉浮先傷濕而後傷風也其証肢軀腫痛不能轉
側額上微汗惡寒不欲去衣大便難小便利熱至日晡
而劇治法但解肌若正發汗則風去濕在非徒無益而
又害之解之之法用麻黃杏子薏苡仁甘草白朮防已
黃芪湯不瀉不渴脉浮虛者桂枝附子湯濕多身痛小
便不利甘草附子湯煩渴小便不利五苓散外不熱內
不渴小便自利附木湯緩弱昏迷腹痛身重汗失音下
利不禁白通湯加白朮去甘草身重痛喘惡風杏仁湯

敗毒散通用熱而煩渴者加括蕒根若慢下之小便必不利五苓散中濕小便不利大便自利甘草附子湯五苓散大小便皆利則與木附湯身軀痛或鼻塞小建中湯加黃芪

溫毒中暍

溫毒者冬月感寒毒異氣至春始發也表証未解故有發班之証心下煩悶嘔逆咳嗽後必下利寸脈洪數尺脈實大為痛則重以陽氣盛故耳治通用玄參升麻湯黑膏主之詳在發班條內○中暑脈虛而伏身熱背面垢自汗煩燥大渴毛聳惡寒昏上倦怠而身不疼與傷

寒諸証大不同矣內外俱熱口燥煩渴四肢微冷而不痛用白虎湯○痰逆惡寒摘皮湯熱悶不惡寒竹葉石膏湯○頭痛惡風心煩燥心下不快小便不利五苓散下消暑丸○中暑用小柴胡湯最良脈遲腠理開洒然毛聳口開前板齒燥白厲加人參湯○霍亂煩燥大渴腹痛四肢冷脚轉筋黃連香薷飲

發熱

身翕上而熱者表熱也有蒸上而熱者裏熱也其屬裏者風寒客於皮膚邪氣怫鬱於外表熱而裏不熱也其屬裏者陽氣下入陰中裏熱甚而透表也其在半表者

以表熱未罷邪氣傳裏上未作害則表裏俱熱但輕於
純在表純在裏太陰厥陰俱不發熱惟少陰有反熱之
証但其脉沉或下利手足冷為異耳雖然傷寒發熱病
之常也脉陰陽俱虛熱不止者汗後復發熱脉燥疾者
下利發熱者皆易治其可例治之乎○太陽病發熱頭
痛惡寒有汗桂枝湯惡寒無汗麻黃湯但惡寒者乃太
陽寒水之化此為在表不惡寒者乃陽明矣傷寒六七
日目中不了了無表裏証大便難身微熱此為實急下
之大承氣湯脉浮數者大柴胡湯陽病發熱汗出脉實
調胃承氣湯脉浮桂枝湯汗多者胃汗乾急下之大承

氣湯風發熱六七日不解而煩有表裏証渴欲飲水水
入即吐者名曰水逆五苓散脉浮大其人發熱煩渴小
便赤此表裏証俱見五苓散○少陽發熱脉細而嘔小
柴胡湯俱嘔便屬少陽非少陽不嘔是也○少陰反發
熱有二証脉沉者麻黃附子細辛湯初得可用三四日
再不可也○下利厥逆裏寒外熱脉不出者通脉四逆
湯脉浮熱甚醫反灸之因火而動必咽燥吐血救逆湯
○脉浮而遲表熱裏寒下利清穀四逆湯○脉浮發熱
無汗而渴表未解也小柴胡湯加入參栝蒌湯○發熱
頭痛心中煩梔子黃芩湯○汗下後有熱大汗則損氣

損氣則陽微故脉虛而感寒太下則傷血傷血則陰弱
故脉瀯而發熱汗皆由是也且陰以陽為主陽以陰
為根下之亡陰是陽不主陰矣陰無所主邪氣搏之血
為之虛乃發熱也○太陽病發汗後遂發熱惡寒小柴
胡湯蒸也而熱者屬胃也調胃承氣湯下後陰弱而發
熱者是內熱等證苦酒湯脉浮則汗之麻黃湯脉實則
下之大柴湯大下後身熱不去心中結痛者未欲解也
梔子豉湯發汗後又復下之惡寒發熱無休止時小建
中湯傷寒以丸藥下之身熱不去微煩去梔子乾姜湯
○產後勞復發熱小柴胡脉浮者當汗解柴胡桂枝湯
後虛羸微熱不退者竹葉石膏湯

頭痛

但頭痛皆為在表看病之際當問之有此勿忌下○凡
頭痛屬三陽乃邪氣上攻也太陽專主頭陽明少陽亦
有之三陰經絡上不至頭惟厥陰循喉嚨之後上連目
系頭顛故有頭痛乾嘔吐涎沫之証却無身熱亦與陽
經不同雖然風濕在少陰濕濕在太陰其經從足走至
胸中而還亦乃頭痛至於陰毒亦熱是又不可拘也若

兩感於寒太陽與少陽俱病則頭痛口乾煩滿而渴與夫頭痛熱甚入連於腦手足寒者則為真頭痛矣亦可察哉任斯責者又焉得怩一而論之也歟○太陽頭痛發熱惡寒無汗麻黃湯有汗桂枝湯已發汗未發汗頭痛如破者葛根蔥白湯太陽病下之後脈細數者頭痛止未止連鬚葱白湯○陽明頭痛不惡寒反惡熱六七日不大便者胃實氣攻於上也少與調胃承氣湯○少陽頭痛脈弦發熱小柴胡湯○濕家頭痛鼻塞瓜蒂散吹鼻中黃水出立愈○痰涎頭痛胸滿寒熱脈緊瓜蒂散吐○厥陰頭痛乾嘔吐涎沫吳茱萸湯頭痛壯熱心

煩梔子黃芩湯○天行勞復頭痛四肢疼葱豉湯

項強

項背強者太陽表邪也發散而解結胸項強有可下之証寒濕項強則有成痊見本條臨病之際宜詳審焉大抵項強表証多○太陽病項強無汗惡風為表虛推枝加葛根湯○誤下太陽結胸項強與理中丸若損甚者兼與四逆湯太陽為之表極誤下之項強仍在則此藥太峻故宜如此○項強脇下滿身熱惡風手足溫而渴小柴胡湯○陰毒初得病手足項強咽嗾痛心腹痛短氣厥逆吐利躄如衣被杖附子湯陰毒耳草湯正陽湯

○天行勞役作熱至晚則睡背痛頭項強重者烏根姜
鼓湯

惡風濕

惡風者見風則怯密室之中無所惡也風寒衛氣衛虛
則轉理不密由是而惡寒風矣悉屬於陽非此惡寒有
陰陽之辨別若無汗而惡風為傷寒當發其汗若汗出
而惡風者則中風當解其肌不可更發汗若裏甚則惡
風未罷者當先解其外三陽風濕皆有此証不可不辨
○太陽中風陽浮陰弱惡風自汗出鼻鳴乾嘔桂枝湯
○頭痛發熱身疼腰痛骨節痛惡風無汗而喘麻黃湯

○發汗太過衛虛亡陽遂瀉不止而惡風者法當用溫
桂枝附子湯○小便難四肢微急難以屈伸法同上○
若吐若下六七日不解表裏俱熱時上惡風大渴舌乾
燥白虎加入參湯○汗不止必惡風煩燥不得眠先用
防風白朮牡蠣湯次小建中湯○風濕惡風不欲去衣
骨節燥疼不得屈伸汗出短氣小便不利或身微浮腫
甘草附子湯○脉浮身重汗出惡寒防己黃芪湯

惡寒

惡寒者不見風亦怯寒身雖熱亦不欲去衣被其風寒
客於榮衛陰氣上入於陽中則洒淅而惡寒也經曰發

熱惡風寒者發於陽也無熱而惡寒者發於陰也謂如
或已發熱或未發熱必先惡寒而往之以發熱則發於
陽也若初病惡寒而倦脉沉細而緊此則發於陰也在
陽則發汗在陰則發溫裏或下証悉具而微有惡寒是
由表未解當先解表及可攻裏若少陰病惡寒而倦手
足厥冷自利煩燥脉一二至者此又為不治之証不可
不知也欲究其詳更於各脉條參考自見○太陽病或
已發或未發熱惡寒有汗桂枝湯無汗麻黃湯○前証
發熱惡寒熱多寒少但脉微弱者無陽也屬表不可發
汗越婢湯○陽明病因宜下惟惡寒者與太陽合病

經屬表可發汗麻黃湯若服遲脉多微有惡寒者亦為
表解也雖陽明証服桂枝湯○陶曰風病為惡寒裏証
亦未可處攻必先解表後不惡寒乃可耳呵呵惡寒雖
若尋常所關甚重蓋以此別表裏也可不慎歟可不慎
歟○少陽頭痛汗出微惡寒柴胡桂枝湯○發熱汗出
復惡寒而嘔但心下痞者五苓散但嘔而不痞者小柴
胡湯○發汗後惡寒者虛也芍藥甘草附子湯○惡寒
脉微而後利止心亡血四逆湯加人參○惡寒脉細
或浮遲嘔吐不止理中丸日下後復發汗心下痞而惡
寒者表未解也當先解表桂枝湯後攻痞三黃瀉心湯

○太陽痛下後脉從脘滿者桂枝去芍藥若微惡寒者桂枝去芍藥加附子湯○少陰病脉沉細者惡寒用四逆湯若下利惡寒而倦手足温者小建中湯若惡寒而倦時自煩不欲厚衣大柴胡湯○亡血家不可發汗則慄而振小柴胡湯芍藥地黃湯詳見本條脉弱者不可發汗則寒慄不能自還當歸四逆湯

背惡寒

背為陽腹為陰背惡寒者陽之不足也陽不足則陰氣盛陰氣盛者口中和陽氣內陷口乾燥附子白虎宜加詳審焉○口中和背惡寒者屬少陰附子湯極矣陽氣

內陷口乾燥者白虎湯

寒熱

寒熱往來者陰陽相勝邪正交爭而作也蓋陽不足則陰邪出於表而為之爭故陰勝而為寒陰不足則陽邪入於裏而與之爭故陽勝而為熱也邪居表多則多寒邪居裏多則多熱邪在半表半裏則寒熱相半乍往乍來而間作也所以小柴胡湯尊主寒熱然寒者加桂熱甚者加大黃是其大法也其平加減不一或見其條各臨其事置宜可也○太陽病八九日如瘧狀者發熱惡寒熱多寒少不嘔清便必自可一日二三度發桂麻各

半湯脈微緩者不可汗宜自越脾湯証并九味羌活湯
加減病至十餘日熱結在裏往來寒熱大柴胡湯。心
煩喜胞膈滿不欲食寒熱往來柴胡加半夏生姜。汗
下後不嘔不渴頭汗出胸膈滿小便不利寒熱往來柴
胡桂姜湯熱多寒少脈遲者榮血不足也黃芪建中湯
未愈更與小柴胡湯。脈浮大寒熱往來者祛邪丸。
婦人中風七八九日續得寒熱發作有時經水適斷此
為熱入血室小柴胡湯

潮熱

潮熱屬陽明陽明旺於申一旦發日晡時作也邪入

胃府為可下之証設或脈浮而緊潮熱而利或小便難
大便者熱未入府猶帶表邪先當和解其外同小便
利大便石方可攻之若潮熱於寅卯則屬少陽潮於巳
午則屬太陽是又不可不辯。病人煩熱汗出則解又
如瘧狀日晡潮熱脈實可下小承氣一湯或大柴胡湯
脈虛者不可下宜桂枝湯。陽明病潮熱大便微硬者
大承氣湯。陽明病脈浮而緊者必潮熱發作有時但
浮者必盜汗出柴胡桂枝湯。太陽胸膈潮熱屬太陽
大陷胸湯。咳嗽潮熱大便自利小柴胡湯。腹滿不
大便潮熱小承氣湯微利之

• 但瘧

但瘧一名瘧狀作止有時非若寒熱往來之無定也○
太陽病但瘧脉浮洪桂枝湯清便必自可不嘔不渴一
日二三度發桂麻各半湯○陽明但瘧煩熱汗出日晡
發熱脉浮桂枝湯脉實承氣湯○婦人熱入血室其血
必結亦如瘧狀小柴胡湯熱多寒少陽乘陰也尺脉遲
為血少先以黃芪建中湯養其衛脉不遲却以小柴胡
湯桂枝越脾湯○厥陰脉浮緩囊縮必發熱惡寒但瘧
為欲愈桂麻各半湯○溫瘧脉和平身無熱但熱骨節
煩疼時嘔白虎湯加桂湯者小柴胡湯加入參栝藹

無汗

無汗者寒邪中經腠理閉密津液內滲而無汗也若遇
風寒暑濕干之則自汗出矣如當汗之証與麻黃湯三
服而不汗者此又為不瘳之証矣○太陽証發熱無汗
麻黃湯○項背強凡上無汗葛根湯○剛瘧惡寒發熱
無汗葛根湯或小續命湯○脉浮發熱無汗表不解者
麻黃湯俱不可用白虎湯○渴欲飲水無表証白虎湯
加入參○陽明反無汗脉浮而喘者麻黃湯若無汗小
便不利心中懊惱身必發黃五苓散加茵陳山梔子黃
柏

自汗

衛氣者所以實腠理而固津液者也衛為邪所干不能
衛護於外由是汗出焉且自汗出者亦有表裏虛實之
分豈容嘿而不辯哉若自汗出惡風寒則表未解當先
解肌以致汗涌惡熱與汗後惡寒皆為表虛必用溫劑
若汗出不惡風寒則為表未解裏未和須攻下之後或
汗出髮潤如油如珠凝而不流者此皆不可治也吁豈
可驟觀也哉。太陽中風自汗脈浮緩桂枝湯。汗出
而渴小便難五苓散不渴者茯苓甘草湯。自汗出小
便數勿因桂枝惟甘草芍藥湯自汗出小便不數心煩
微惡寒脚牽急桂枝附子湯再加入參。太陽病發汗
惕者醫發之也非自汗也遂汗涌不止惡風寒桂枝附
子湯。陽明汗多而渴發熱譫語大便難調胃湯承氣
湯若小便自利而汗出者為津液少不可攻利宜蜜導
煎若汗多而胃汗乾急下之大承氣湯汗多而渴者勿
用五苓散汗不止無他証者溫粉撲之服桂枝湯大汗
出煩渴不解脈洪大者白虎加入參湯下後不可行桂
枝若汗而渴并大熱者麻黃杏仁甘草石膏湯

頭汗

夫諸經絡循於頭三陰則至頸而還頭汗者邪傳諸陽

則汗見於頭也若遍身汗出謂之熱越今熱而不越而陽氣上騰津液亦隨氣上湊故但頭汗耳夫裏虛則不可下內潤則不宜汗之頭汗之證更不可再汗之耳其或痰熱在內與夫熱入血室虛煩水結皆令頭汗此為熱入於內上達或吐或下以去其邪設或小便不利內外關格而有頸汗則為陽脫二者皆不可療矣。百問有小便難大便利亦為陽脫二者皆不可療矣。百問有云表實裏虛而故頭汗慎不可下。發黃頭汗及頸而止小便難引水漿此濕也茵陳蒿湯或加五苓散二藥之分為有虛實故也不可不知水結心胸下忪滿無大熱頭汗熱出小半裏茯苓湯譫語頭汗是血熱也屬陽可用承氣微下若心之懊懷而頭汗桅子豉湯。半表半裏用小柴胡湯但寒熱往來微汗故寒為表脇下痛大便硬為裏也

手足汗

肢者諸陽之本熱聚於胃則津液旁達於手足也然亦有一蘊熱則燥燥譫語挾寒乃水穀不分所以理中承氣之不得同耳。陽明手足漿也汗出譫語大便難與承氣湯。陽明中寒不能食小便不利手足汗出大便初鞭後溏水穀不分與理中一法用猪苓湯

盜汗

盜汗者睡着則汗出矣雜病貴其陽虛傷寒則在半表半裏以此故也盜汗膽家有熱也○陽明病脉浮緊潮熱柴胡桂枝湯脉浮大欲眠目合則汗小柴湯同用

微煩熱

煩熱傳裏不經發汗吐下則為此症名同而異經云病人煩熱汗出則解如未作膈實但用和解微熱而已若心下滿而煩則有吐下之殊直別其語之虛實與劑故有輕重也先煩而悸者為實先悸而煩者為虛虛煩者謂心中欲嘔欲吐鬱悶不舒也○陽明病心煩自汗小便數者不可與桂枝湯宜芍藥甘草湯服桂枝湯後汗出煩渴脉洪大白虎加人參湯傷寒二三日心下悸而煩者小建中湯陽明病心煩喜嘔壯熱往來心下悸小便不利小柴胡湯加茯苓發汗後解日許復煩脉浮數者可更發汗桂枝湯衄血而煩渴飲則吐飲水五苓散不愈竹葉石膏湯下後晝煩夜未明不渴不嘔無表証脉微沉乾姜附子湯若更懊懷梔子豉湯若下之証仍在不解而煩燥者茯苓四逆湯大下後六七日不大便煩不解腹滿仍有痛者有燥屎大承氣湯吐汗下後虛煩心下痞滿氣上衝胃頭眩身振桂枝湯加白

木耳草差後不能勝穀微煩者損穀則愈仍與小柴胡湯腎傷寒表裏無熱但煩不欲見光明有時腹痛其脉沉細四逆湯

煩熱

煩為攪亂曰煩燥為忿怒曰燥謂先煩漸至燥至燥也傷寒煩燥則有陰陽虛實之別焉心熱則有煩陽實陰虛腎熱則燥陰實陽虛燥其熱則輕否則熱必重也有邪表而煩燥者有邪在裏而煩燥者有不煩便作燥悶者此則陰盛陽者欲於治中則飲食不得入口其或結胸証具而煩燥吐利四逆而煩燥吐利四逆而煩燥

下利厥逆而煩燥不得眠惡寒噤拳脉不出而燥者皆為不治之証矣

太陽中風脉浮緊發熱惡寒身疼痛不汗出而煩燥大青龍湯桂枝麻黃各半湯少穗得病二三日脉若弱無太陽柴胡証煩熱心下鞭能食小承氣湯微和之心下中悸而煩熱者小建中湯○惡風自汗脉弱而煩燥者小建中湯發熱六七日渴欲飲水者五苓散無熱但狂言者五苓散探吐之水調服○陽明病不大便秘臍痛煩燥承氣湯下之○少陽吐利厥逆煩燥欲死者吳茱萸湯欬逆脉沉自利煩燥不得眠者黃連鷄子湯黃連

阿膠湯下後復發熱煩燥晝不得眠夜安靜不嘔不渴
無表証脉沉微身無大熱乾姜附子湯。發汗若下之
病仍不去煩燥者茯苓四逆湯陰毒火邪侵烝藥反劇
者或陰極發燥者不可誤下涼藥燥甚仍與熱藥用四
逆湯乃可

懊懣音忒作慙

懊懣者心中懊懣七鬱悶不舒之貌蓋由表証誤下
正氣內虛陽明內陷於結心胸之門甚則為結胸也邪
在心胸則宜吐熱結胃府則宜下是又不可拘也。發
汗吐下後虛煩不得眠甚則反覆顛倒口中懊懣旋子
蠶湯。舌上白胎飢不能食虛煩不得眠頭汗懊懣同
治。短氣煩燥心下胸中懊懣大陷湯。陽明病下之
後懊懣而煩胃中有燥屎承氣湯下之無汗小便不利
心中懊懣者必發黃茵陳蒿湯或五苓散加茵陳看大
便溏實如何

身痛

身疼痛者大陽表証也雖皆曰表邪未解而有濕發汗
先後之不同自利脉沉為陰病身痛其身重者屬手陽
明為有風又有陽邪內行不榮於表也是又不可不知
。大陽身痛脉浮緊無汗麻黃湯或尺脉遲為無血也

先與小建中湯。詞尺脈浮却用麻黃湯下利脈遲或作
沉身痛宜四逆湯。發汗後身痛脈沉遲桂枝芍藥人
參湯。一身盡痛發熱面黃七八日後熱結在裏有血
當下抵當湯。下利腹痛身痛先溫其表桂枝湯後溫
其裏四逆湯。霍亂後身痛不休桂枝湯。蒼家身軀
痛不可發汗汗則成痙葛根桂枝湯風濕中濕身痛有
本條

四肢拘急

拘急者手足不能自如屈伸不便如蹠臥惡風之類四
肢者諸陽之本蓋因發汗忘陽陽虛而有是証也。傷
寒淋痺自汗小便數心煩惡寒脚拳急芍藥甘草湯。
小便難者桂枝加附子湯。吐利汗出發熱惡寒四肢
拘急手足厥冷四逆湯。

咳嗽

咳者聲咳之咳俗呼謂之咳肺主氣肺為邪所乘逆而
不下是冷咳嗽也有肺寒而嗽者有停飲而嗽者有邪
在半表半裏而咳者治各不同其水咳三証不可無辯
小青龍湯太陽之表水也十棗湯太陽之裏水也真武
湯陰証之水氣也蓋水與寒相合而嗽則小青龍湯汗
之水與裏寒相合而咳則真武湯溫之裏病合水動而

咳十棗湯所以下之。○太陽病身熱咳嗽乾嘔微喘而利小青龍有加減法惡寒身熱痛依本方身涼咳嗽乾嘔而利心下痞滿引脇下痛十棗湯四肢痛重腹痛下利咳嗽或嘔真武湯有加減法少陽病往來寒熱胸脇硬滿而痛咳嗽小柴胡湯有加減法少陰咳嗽腹痛下利或悸四逆散加五味乾姜嗽而嘔渴心煩下利猪苓湯。○咳嗽中滿而嘔大半夏湯。

喘

傷寒發喘有邪在表者有邪在裏者有水氣在表裏者心腹濡而不堅外証無汗法當汗之在裏心腹脹痛

証有汗法當下之其水氣者心下忪忪是以有小青龍湯成法云喘而汗出宜和之汗出不喘宜發之。○太陽病無汗而喘麻黃湯。○陽明病汗出而不惡寒短氣腹滿潮熱而喘小承氣湯。○太陽上明合病喘胸滿不可下宜麻黃湯。○誤下太陽利不止脈促不止喘有汗葛根黃連黃芩湯。○若汗出而喘無大熱者麻黃杏仁甘草石膏湯水氣喘咳乃太陽汗後飲水多而水停心下小青龍去麻黃加杏仁小腹滿去麻黃加茯苓陰病喘促逐陰丹。

氣逆

氣自腹中時上上冲則逆也蓋因太陽病下之表邪乘
虛傳裏裏不受則氣逆上行而乘在表也當復汗之厥
陰發熱作客熱氣上冲心此熱在裏而氣上也若病後
虛羸少氣氣逆欲吐者又動氣發汗熱氣上冲者此則
正氣虛而吐逆也當依法調治之脉沉緊者不可汗○
太陽病下之後其氣上冲者可與桂枝湯不上冲者如
桂枝証頭不痛項不強寸脉浮微不可與之胸中痞鞭
氣上冲咽喉不得息此為胸中寒瓜蒂散吐之脉若微
者不可吐吐下後心下逆滿氣上冲胸起則頭眩脉沉
緊發汗則動經身為振搖者茯苓桂枝白朮甘草湯動

氣發汗氣上冲者李根湯病後虛羸少氣上逆欲吐者
竹葉石膏湯

短氣

短氣者呼吸短促而不能欲相續也千金曰少氣不足
而息者危金櫃要畧曰短氣不足而息者實大抵心腹
脹滿而短氣者邪在裏而為實也心腹濡滿而短氣者
邪在表而為虛也又有水停心下亦令短氣隨証攻治
無不愈也○短氣潮熱腹滿而短喘此為外欲解而裏
實大柴胡湯小承氣湯風溫相搏汗出短氣小便不利
惡風不欲去衣其邪在表其草附子湯○食少水多水

停心下短氣小半夏湯。身涼乾嘔短氣汗出不惡寒
此表解裏有水十棗湯誤下。太陽短氣煩燥心中懊
懷不大便為結胸大陷胸湯及丸

口乾

邪熱聚於胃府消耗津液故口燥舌乾而渴也邪淫少
陰病口燥咽乾者急下之若不口燥咽乾而渴脈沉
者急溫之蓋少陰之寒溫正在燥乾咽乾與脈沉上辯
不可視如尋常誤人長命謹也慎也又有嗽水不下咽
者見表証者必衄為其邪熱在經也須血氣俱多經中
熱甚迫血妄行而作衄若無証加之胸腹而如狂者又
謂蓄血在內也。陽明口燥咽乾無大熱背惡寒白虎
加入參湯。少陽口燥咽乾小柴胡湯。少陰口燥咽
乾而渴急下之宜承氣湯。陽明病口燥欲飲水不咽
者必衄黃芩芍藥湯。嗽水不咽發狂輕者犀角地黃
湯甚者抵當湯治之

渴

渴者裏有熱也津液為熱所耗故令渴也傷寒六七日
傳至厥陰為消渴也謂飲水多而小便少乃熱能消水
也。朱氏曰脈浮而渴屬太陽有汗而渴屬陽明自利
而渴屬少陰至於厥陰則又熱之極矣惟太陽無汗喜

滑忌白虎湯宜小柴胡湯為當前宜竹葉石膏湯當二
條白虎乃汗後一解藥耳發熱未久無汗不燥大宜忌
之陽明多汗而渴戒五苓散參看便知用藥之精微處
呵也言及於此不得不辯勿以多贅為嫌幸甚若先嘔
后渴則為欲解當為之水渴先渴後嘔則為水停屬赤
茯苓湯當須識此勿令誤也○大陽病渴脈浮表不解
心下有水氣小青龍湯去半夏加瓜蒌根桂枝湯汗出
後煩渴甚者白虎加人參湯○小便不利而渴五苓散
○身熱惡風手足溫脇滿而渴小柴胡湯去半夏加瓜
蒌根○陽明發渴則有汗脇下鞭不大便而嘔舌上白

胎小柴胡湯加減如前○若汗少小便不利脈浮而渴
五苓散乃膀胱本病不可不知○渴而飲水嘔者同治
○發黃頭汗出小便不利渴飲水漿猪苓湯下利渴欲
飲水白頭翁湯○下利脈數而渴者自愈不愈必清血
宜黃芩湯陽毒大熱大渴黑奴丸○病人脈細欲吐不
吐心煩但寐小便白下利而渴四逆湯○諸靜屬陰但
寐一句非靜而何此外証也更脈微細小便白而下利
是裏無陽也故宜四逆溫之○中暑發渴白虎加入參
湯白虎乃暑家之藥傷寒用之假借爾諸家去大暑去
酷吏清風來古人故知秋清之氣能勝酷熱白虎稟金

之氣用之以滌煩熱也歟

胸脇滿痛

胸滿者胸脇間氣塞也滿悶非心下滿脇肋下氣脹
滿非腹中滿蓋邪在表傳裏先自胸腹脇下至心而入
胃是以胸滿多帶表病故宜發汗脇滿亦多在半表半
裏之間宜和解少陽至於邪結胸中而為實者又須湧
吐與下之也○太陽病下後脈促胸滿桂枝去芍藥湯
病在衛氣之間多芍藥入柴故去之○陽明病喘而胸
猶帶表病不可下與麻黃湯杏子甘草石膏湯○胸脇
俱滿或脇下鞭痛或舌上白胎或不大便或嘔並小柴

胡湯加減○傷寒五七日往來寒熱胸脇若滿默亡不
飲心煩喜嘔或脇下鞭硬柴胡加牡蠣湯○傷寒八九
日下之胸滿煩驚小便不利譫語一身盡重不可轉側
柴胡加龍骨牡蠣湯○胸中痰實瓜蒂散吐之○胸中
膈不快皆滿閉塞唇青手冷脈沉細少情緒或腹痛此
名太陰証宜理中湯

結胸

經曰病發於陽而反下之熱入裏作結胸註云發熱惡
寒者發於陽也外証項強心下滿硬而痛者是也此為
實邪在裏法當下之若脈浮大若表証若水氣慎不可

下亦有不因下而心下滿者硬者經曰病人手足厥脈
乍緊邪結胸中心滿而煩飢不飲食當吐之是則病在
胸中也經曰陽明病心下硬滿不可下下之利不止而
死是則自表傳裏留於心下未痊為法當吐之故有此
戒之其或結胸証具而煩燥者則不可治矣○結胸寸
脈浮關尺皆沈緊宜下若脈浮大或有表証先用小柴
胡湯表已解即下大結胸不按而痛連臍痛腹硬不可
近大陷胸湯或大峻只宜用丸○小結胸按之而痛
下硬小陷胸湯致要切處只在按之痛不按而痛二句
使知虛實大小之宜不容隱矣豈非細推而詳審安
自得其法者○或熱結胸者懊憹煩渴心下痛少與大
陷胸湯寒實結胸無熱証三物白散只實理中丸○小
結胸心下怔忡漬汗出無大熱小半夏茯苓湯○小柴
胡湯加牡蠣須去大棗為其茸也○結胸先理其氣用
桔梗只亮湯○初覺便行乃可增損理中丸○結胸瀉
心湯保命集下甚詳

痞

經曰病發陰而反下之因作痞註云無熱惡寒者發陰
也其結之輕者乎外証心下滿而不痛按之則濡是其
虛也留滯故但滿而不痛也只梗最良如欲攻之亦須

表証解而後可。痞者關脈多浮只實理中丸半夏瀉
心湯肝脈浮者三黃湯瀉其肝若惡寒汗出附子瀉心
湯○痞不去煩渴小便不利五苓散服後腹心下痞而
惡寒表未解也不可攻痞先與桂枝湯解表乃用攻痞
三黃湯○表未解而心下妨闕柴胡桂枝湯○胸下脇
滿而微結小柴胡湯如姜牡礪○表痞未罷因數下之
協熱而利心下痞硬為表裏俱病桂枝人參湯○下利
心下痞硬乾噫食臭腹鳴甘草瀉心湯生姜瀉心湯通
用桂枝人參湯○若利不止則治下焦赤石禹餘糧湯
又不止則利小便五苓散發熱汗出不解嘔吐下痢心
下痞硬大柴胡湯○吐汗下後噎氣痞硬旋覆代赭湯
若咳逆氣虛因逆湯胃寒先與理中湯丸方用旋覆花
代赭湯

腹滿

脾胃中央之土所以腹滿多屬大陰也常病者為裏實
須下之或裏虛當溫之若表解內不消非大滿猶寒熱
亦未可下是邪全未入腑若大滿大實蒸有燥屎雖滿
之四五日方可與下謂邪已入腑也大抵陽熱為邪則
腹滿而吐利食不下若曾經吐汗下後而腹滿治法各
有不同是又不可不知○太陽誤下後因而腹滿而痛

桂枝加附子湯痛甚者桂枝加大黃湯○陽明發熱腹滿微喘口苦咽乾或不大便譫語者並小柴胡湯噦而小便難加茯苓主陽合病腹滿身重難以轉側譫語口中不仁小柴胡湯有汗白虎湯○太陽腹滿吐食不下只實理中湯○少陰病六七日腹脹滿不大便急下之大承氣湯腹皮痛者脾不勝水水與氣轉皮肉之間腸鳴漉漉半夏茯苓湯加桂○下利腹滿身痛先溫其裏四逆湯後攻其表桂枝湯○發汗後腹滿法當溫厚補半夏生姜人參湯○吐下腹脹滿當下少與調胃承氣湯腹脹滿者陰陽不和也枳梗半夏湯

腹痛

邪氣入裏與正氣相搏則為腹痛蓋陽邪傳裏而痛者其痛不常當以辛劑和之陰寒在內而痛者則痛而無休時欲作利也當以熱劑溫之有燥屎宿食為痛者則煩而不便腹滿而痛也則須下之經曰諸痛為實又曰痛隨利減此皆為裏証而所治之不同矣又當隨証而施治之耳○傷寒陽脈澁陰脈弦法當腹痛中急痛先用小建中湯不瘳與小柴胡湯○傷寒四五日腹中痛若轉氣不趨小腹者此欲自利也四逆湯○少陰腹滿四逆湯或咳或嘔或小便不利或泄利下重並四逆湯

○下利清穀脉微欲絕通脉四逆湯腹痛小便不利真武湯。胸中熱胃中有邪氣腹痛欲嘔吐者大黃湯。○大實痛者關脉實腹滿不大便桂枝加大黃湯小承氣湯看病選用

小腹痛

小腹痛者脐下痛是也若胸滿心下滿腹滿皆為邪氣而非物也今小滿則為畜之形小便不利者乃是溺澀之証溲利之劑宜分兩途經曰病人素有痞氣連在傍痛引小腹入陰筋者名為臟結乃死証也。大陽病不解熱結膀胱其人如狂小腹痛急結桃仁承氣湯。太陽

病六七日表証在脉微沉不結胸發狂小腹硬小便自利抵當丸身黃脉沉結大便硬小便不利者五苓散。○陰陽易有一証小腹滿燒裊散。○病者手足厥冷言我不結胸小便滿按之痛此冷結在膀胱關元也宜灸關元穴良

嘔吐

嘔者有聲而無物有聲而復吐出其物故有乾嘔而無乾吐蓋表邪傳裏裏氣上逆則為嘔吐而水穀不下也。有胃熱脉緊數中中有苦渴有胃寒脉弦遲逆冷不食小便利謂之有水氣先渴後嘔膈滿怔忡有膿血喉中

腥奔逆上冲不須治之當膿盡自愈此四者不可不辯
大抵邪在半表半裏則多嘔吐及有裏熱而嘔吐者亦
有之經曰嘔多雖有陽明証不可攻之為其氣逆尚未
收為實也設或有嘔而弱小便復利身微熱而見厥者
難治以其虛多實少也○太陽中風陽浮陰弱自汗惡
風寒發熱鼻渴乾嘔桂枝湯○傷寒表不解心下有水
氣乾嘔發熱而嘔小青龍湯太陽少陽合病自利而嘔
黃芩加半夏生姜湯○太陽陽明合病當自利若不利
但嘔身振加半夏湯○傷寒胸中執胃中有邪氣腹中
氣逆有嘔吐者黃連湯○太陽病發熱汗出心下煩
痞硬下利嘔吐大柴胡湯○三陽發熱而嘔通用小柴
胡湯○嘔而渴者猪苓湯五苓湯○先嘔後渴此為欲
解急與水解之先渴後吐此為水停心下赤茯苓散○
少陰病欲吐不吐但欲寐五六日自利水氣或咳或悸
身痛自利真武湯去附子加生姜膈上寒飲乾嘔嘔涎
沫四逆湯若吐利手足厥冷煩燥甚者吳茱萸湯食穀
欲吐者屬陽明也上同得陽反劇者屬上焦佖噦似嘔
似喘心中憤也者大橘皮湯汗下後關脉遲緩而吐為
胃寒理中湯病瘥後虛煩嘔吐竹葉石膏湯加生姜汁
雖大經汗出塞食入即吐乾姜黃芩黃連人參湯○汗

後水氣不入口者半夏茯苓湯。陶日三陽諸嘔皆宜
小柴胡湯加生姜汁水氣加茯苓寒者加乾姜孫真人
云生姜嘔家之聖藥也

乾嘔

乾嘔者嘔而無出也。大抵熱在胃充與穀氣併熱上冲
心下痞結則有此証。太陽汗出乾嘔桂枝湯主有汗也
少陰下利乾嘔姜附主下利也厥陰吐涎沫乾嘔柴萸
主涎沫也邪去則嘔自止矣。若夫水氣一証又當表裏
別耳。○傷寒表不解心下有水氣身熱乾嘔微喘或自
利小青龍湯主之。則此水之在裏也。○自汗頭痛乾嘔

桂枝湯少陰下利乾嘔脈微白通湯利下止乾嘔而煩
厥也逆無脈白通加猪膽汁湯熱因寒用故也裏寒外
熱脈微欲絕乾嘔通脈四逆湯。○乾嘔吐涎沫頭痛身
柴萸湯得湯反劇者與小柴胡湯。○乾嘔自利黃芩半
夏生姜湯

下利

傷寒下利表邪傳裏虛協熱則自利。又有不應下而便
攻之內虛協熱亦為下利。要當別其陰陽。下陽下利皆
身熱太陽滿下利手足溫少陰厥下利身涼無熱此大
槩也矣。○自利清穀不渴小便色白微寒厥冷惡風寒

凡此皆陰渴欲飲溺色如常洩下黃赤發熱後重凡此皆陽蓋因風邪入胃木來侮土故令暴下或溫或攻或同下焦或利小便隨病施治但不宜發汗耳邪氣內攻復洩其津液胃氣轉虛必成脹滿。若夫下利譫語而目直視下利厥逆躁不得眠下利發熱而自汗下利厥逆無脈多之不溫而脈不出下利日數十行其脈反實皆為不治之証五奪之最急者也。太陰陽明合病下利頭目痛鼻乾脈浮葛根湯。太陽少陽合病下利頭痛胸滿乾嘔往來寒熱脈浮弦黃芩湯。陽明合病下利半夏陶用。小柴胡湯加芍藥尤妙。少陽陽明合病下

利身熱胸脇滿乾嘔往來寒熱脈長大而弦陽明脈長少陽脈弦弦者曰負負者必死謂木侮土也但長大不弦為順耳謂胃氣全邪不能克也。大承氣湯下之滑而數為有宿食亦宜下之。太陽病未解而數下之遂脇熱而利心下痞硬表裏不解者桂枝人參湯。太陰自利不渴四逆理中湯。木附湯。少陰下利必渴腎虛引水故也。自咳脈微者白通湯。厥逆無脈者白通加豬膽汁湯。通脈四逆散。少陰下利渴而嘔心煩不得眠猪苓湯。下利清水色青心下必痛口中乾燥此不可溫。瀉下之大承氣湯。傷寒醫下之續得下利清穀身痛

者急當救裏宜四逆湯清便自調急當救表宜桂枝湯
○脇熱下利白腸垢臍下發熱便下垢膩赤白黃或渴
黃芩湯○脇熱利白腸垢臍下熱白頭翁湯○胃寒利
白鴨溲臍下必冷腹脹滿便中青白或清穀四逆湯理
中湯白通湯皆可寒毒下利面戴陽者下虛也○下利
譫語為燥屎也脈不微細小承氣湯○尺脈弦腸鳴洩
利腹痛者小建中湯○三部脈平心下硬而下利者腸
胃有積結也大承氣湯○下利脈滑當有所去下之乃
愈大承氣湯○下利脈大者虛也以其強下之故設脈
浮革因小腸鳴者當歸四逆湯○下利後瘥至其三月

時復發者以病不盡故也大承氣湯下之

便膿血

衝脈為血之海即所謂血室也男女各有此血氣亦有
此衝脈也冲脈得熱血必妄行男子則為下血譫語婦
人則為寒熱狂瘧皆為熱入血室迫血下行則為血崩
熱而利也挾血之脈乍澀乍數或沉或伏血熱交併則
脈洪盛大抵多在左手見之也又為陰寒為病下利便
膿血者乃下焦虛寒腸胃不固清濁不分而便下膿血
也二者一為脇熱一為陰寒臨病宜詳別焉○太陽病
不解其人如狂熱結膀胱而血自下者愈不瘥用桂枝

湯明理論抵當湯。陽明病下血譫語胸脇滿如結胸
夜則見鬼此為熱入血室小柴胡湯。少陰病下利便
膿血者桃花湯。腹滿身熱下膿血如魚腦白溫毒桃
花湯地榆散黃連阿膠湯。下後無表裏証脈數不解
消穀易飢多日不大便此為瘀血桃花湯承氣湯抵當
湯或小柴胡湯加桃仁大黃為効。下焦畜血其人如
狂小腹急結小便必利抵當湯尤妙

四逆言其微且漸也

手足不溫為之四逆邪在表則手足熱邪在裏裏之間
則手足溫主為邪傳少陰有逆冷之証與厥逆又相遠

也雖然自熱以至溫由溫乃至厥是傳經之邪四逆散
至之非若得病手足便逆而不溫者四逆湯溫之則為
陰經而陽氣不足也其或吐利煩燥厥逆蹇臥此為少
陰又為不治之証矣可不審之。少陰病四逆其人或
悸或咳或小便不利或腹中痛滿或洩利後重並四逆
湯。初病以來厥冷四逆湯手足厥冷大便祕小便赤
或大便黑色脈沉而滑此為陽症侶陰白虎湯甚者大
承氣湯二散乃相拒陽厥之極則類陽今人多作陰証
治之死者迷踵仲景云厥深熱亦深者止謂此也但憑
法辯之明白一笑耳好生君子可不精別藥之一善死

生道巽得無寒心而誠謹恐懼哉

厥逆言其深之甚也

陽氣伏藏陰氣越出陰陽不相順接所以厥也厥謂手足冷也後厥者乃熱伏於內也先厥而熱者乃陰退而得陽復也若始病便厥者是則陽不足而陰有餘也其或惡寒踈而煩燥下利不止皆為惡候故曰逆也○此言厥之有二初言厥深熱亦深也坑則害成乃制熱之極深大抵倡水反熯寒化者也不可妄作陰証治之次言陰陽相爭而厥陽氣勝退陰邪復全有之夫厥作熱消也謂陰証見陰脈者生是也末言真受陰之邪也當

依前法推明熱伏於內者其脈沉滑而數狂言發渴露手揭衣煩燥不眠或大便秘病雖倡陰諸証別之實知陽也豈鬼賊之象欺惑哉初病便厥者其脈沉遲而弱醒七而靜惡寒引衣或利清穀也○先發熱而厥揚手擲足煩燥飲水畏熱頭汗大便秘小便赤昏憤當下尖下血氣不通所謂熱深厥亦深者大柴胡湯小承氣湯○初病便厥足李思風引衣自蓋不渴大小便自利默七而醒七者四逆湯○傷寒厥而悸者宜先治其水茯苓桂枝湯後治厥四逆湯○吐利厥逆煩燥者欲死也長柴萸湯當歸四逆湯仍灸大谿穴○傷寒自熱

而熱至溫由溫而至厥乃傳經之邪四逆散。得病手足便厥而不溫者四逆湯溫之。此為陰証也。少陰病其人或咳或悸或小便不利或腹痛或泄利下重並用四逆湯。手足厥冷大便秘小便赤或大便黑色脈沉而滑此為陽証。白虎湯甚者大承氣湯。

不大便

不大便謂大便難也。若因發汗利小便耗其津液以致腸胃乾燥而轉屬陽明裏証者多矣。其大便自數者則為津液偏勝故使大便難也。若吐若下若發汗小便數大便鞭者與承氣湯和之謂內津液竭也。又有不宜便

下者至於脈虛脈浮惡寒此猶帶表邪慎不可攻其嘔吐者為邪未入腑雖有陽明証不可攻之小便清者知邪不在裏仍乃表也大便鞭而小便少不轉承氣者內皆無燥屎也。但初鞭後溏耳陽明自汗或經發汗小便自利不大便者亦為津液內竭宜蜜煎導通之。經曰其脈浮而數能食不大便此為實名曰陽結也宜大柴胡湯若不了得屎而解其脈沉而遲不能食身軀重大便難名曰陰結也宜金液丹。傷寒六七日頭痛有熱小承氣湯病人不大便六七日繞臍煩燥發作有時者此有燥屎故使不大便小承氣湯。夫病陽多者熱下

之則鞭汗多及發汗則亦鞭並小柴胡湯○陽明病脇下鞭滿不大便而嘔舌上白胎小柴胡湯○若發汗若利小便津液內竭大便因鞭不可攻之無陽陰強大便秘者下之必清穀脹滿並用蜜導法

譫語附鄭聲

經曰邪氣勝則實精氣奪則虛故實則譫語虛則鄭聲傷寒胃中熱盛上乘於心心為熱胃則神喊昏迷妄有所見而然也輕則睡中呢喃重者不睡亦語有譫語者有獨語者有語言不休者有言亂者此數者足見其熱之輕重也大抵熱入於胃水涸屎燥則為譫語又有被

火劫者有正陽者各各不同但脉短者死脉自和則愈或喘滿氣逆而上奔自利氣脫而下奪皆為逆也譫語脉洪數大便閉小便赤手足溫與調胃承氣湯○胃實譫語身熱汗多大便鞭或潮熱承氣湯發汗多妄陽譫語身自和不可下無大熱柴胡桂枝湯○下利譫語為有燥屎脉不微細小承氣湯利不止者為不治矣○三陽合病譫語脉滑實身重以轉側口中不仁面垢遺尿不可汗下白虎湯○傷寒大熱乾嘔呻吟錯語不得眠犀角解毒湯○得病無熱但狂言煩燥不安精采不與人相當五苓散一錢調以新汲水揉吐之則愈一法用

猪苓湯。○瘀血譫語狂言漱水大便黑色小便多身黃
腸滿此為當汗不汗畜血在裏輕者犀角地黄湯甚者
桃仁承氣湯抵當湯熱入血室晝靜夜譫如見鬼狀小
柴胡湯。○陽明經病其人喜妄者必有畜血抵當丸。○
鄭聲者重上聲語也又為不正之音傷寒鄭聲如鄭衛
音轉不正也蓋因汗出後若病久本音失其正氣虛則
鄭重語散不知高下乃精氣奪之候也其脉微細大小
便自利手足冷用白通湯。

小便不利小便難小便少附
邪氣結於下焦聚而不散則小腹硬滿而痛小便所

以不通大抵有所不利者行之取其滲洩也若引飲過
多下焦蓄熱或中溫發黃水飲停蓄皆利小便為先惟
汗後忘津液胃中乾與陽明汗多者則又利小便為戒
設或小便不利而見頭汗者乃為陰脫閉革之疾矣。○
引飲過多下焦蓄熱小便不利脉浮者五苓散脉沉者
猪苓湯。○大陽病身黃脉沉結小腹鞭小便不利者為
無血也五苓散加茵陳。○少陰病四逆湯或小便不利
者四逆散加茯苓。○嘔而發熱胸脇滿心下怔忡小便
不利小柴胡湯去黃芩加茯苓。○陽明病無汗小便不
利心中懊憹者身必發黃五苓散加茵陳蒿。○經曰陰

虛則小便難者陽必湊之由膀胱受熱故小便赤澀而不流利也又曰雖大便六七日而小便少者但初鞭後溏未定或鞭攻必塘須小便屎定鞭方可攻之乃胃中水多不別難通而不能通也陽明病中風脈浮弦大身黃鼻乾氣短腹滿潮熱而噦心脇痛小便難小柴胡湯加黃芩○太陽病小便利者以飲水多必心下悸茯苓桂枝白朮甘草湯小便少者必苦裏急也猪苓湯

小便自利小便數遺溺附

小便自利者為津液漏滲大便必鞭宜以微藥下之其陽明自汗者後發其汗使津液內竭屎雖鞭尤不可攻

須於大便中用蜜煎導之太陰當發於黃無小便自利者則溫熱內泄不能發黃惟血澀則小腹急而如狂腎與膀胱虛則不能約制小便二者皆小便自利也若腎與膀胱虛而積熱則水汗澀澀則小便不快故澀淋而數起也若自汗而小便數者雖有表証又不可行桂枝謂之陽而復走津液也○太陽病不便而自利者入飲水多心下必悸茯苓桂枝甘草湯太陽自汗四肢拘急心煩微惡寒脚挛急不便數誤服桂枝湯得之便厥與甘草乾姜湯為藥甘草湯○跌陽脈浮而澀浮則胃氣強澀則小便數浮數相搏大便則難其腎為弱宜麻仁

九。少陰小便自利或色白為虛寒四逆湯真武湯去
茯苓既吐且利小便復而大汗出下利清穀內寒外熱
脉微軟者四逆湯。三陽合病腹滿身重口中不仁面
加遺尿並不可汗下少與白虎湯。經曰邪中下焦陰
氣為慄足膝冷逆便溺妄出四逆湯

舌有白胎臟結附

經曰舌上如白胎者胸中有寒丹田有熱寒者謂之寒
氣初傳入裏也舌乃心之官法應南方火色本紅而澤
邪氣在表舌則無胎邪氣在裏津液結傳則舌上生胎
而滑熱氣漸深其熱胎燥而澁熱聚於胃其舌胎為之

黃矣若舌間黑色其熱已深而病已極篤焉經曰熱病
口乾舌黑者死乃腎水刑於心火也。脉陰陽拘急緊
口中氣出唇口乾燥踈臥足冷鼻中涕出舌上胎滑者
勿妄治也到八九日已來其人漸發熱手足溫者此為
欲解或八九日已上及發大熱此為難治設使惡寒者
必欲嘔也小柴胡湯加生姜腹內痛者必欲利也理中
湯。太陽候下胃中空虛客熱動膈懊懣懣懷舌胎垢子
豉湯。陽明病脇下鞭滿不大便而嘔舌上白胎小柴
胡湯。陽明中濕舌上生胎五苓散。舌黃者法當下
之金匱要畧曰舌黃者未可下黃自去矣。臟結者臍

氣閉結而不復流布也故一息不運機絀窮一毫不續
空壞判臟其可結乎外証如結胸狀但欲食如故時
下利為異耳其脉寸浮關沉細而緊陰筋引臍腹俱痛
者是也病人脇下素有痞氣運在臍傍痛引小腹入陰
筋者此名臟結。又云臟結無証不往來寒熱其人反
靜舌上胎滑者不可攻也刺關元灸亦可仍與小柴胡
湯加生姜

咽痛

咽喉不利或痛或瘡不可內食皆氣上冲所致經曰太
陽病下之脉緊者必咽痛以太陽之邪傳為少陰也少

陰之脉循喉嚨挾舌本故也少陰咽痛脉沉遲厥冷或
吐利又陰陽脉俱緊及自汗為亡陽法當咽痛而復吐
利亦屬少陰並不可汗下用桔梗湯猪膚湯甚者半夏
散通脉四逆湯可也去芍藥加桔梗汗不止藁本溫粉
撲之。咽中生瘡不能言之語聲不出者苦酒湯。傷
寒六七日大下後寸脉沉遲尺脉不至咽喉不利吐血
膿手足厥逆利不止者雖治宜麻黃升麻湯。咽痛傷
寒一証乃非時暴寒伏於少陰之經頭疼腰痛脉微弱
初咽痛似傷寒後必下利半夏桂枝甘草即半夏散下
利四逆湯。陽毒咽痛見發斑條咽中閉塞烏扇湯口

痛赤爛蜜浸黃柏噙咽痛甚者升麻六物湯

頭眩

少陽居表裏之間表邪傳裏表中陽虛故頭眩也又有發汗吐下後而眩胃亦陽虛所致也若少陰病下利止而頭眩時自胃者此虛極而脫胃家亦有眩者風主動故也其或諸逆發汗極者言亂目眩而死矣。太陽病若下之因復發汗以此表裏俱虛其人胃家自出而愈。陽明病但頭眩不惡寒故能食困茯苓白朮甘草生姜湯。少陽之為病口苦舌乾目眩也小柴胡湯。太陽病後發汗汗出不解其人仍發熱心下悸頭眩身動振振欲僻地真武湯。汗吐下後虛煩脈沉緊心下痞脇下痛氣冲咽嗾眩胃身搖筋脈動煖久而成瘕茯苓桂枝白朮甘草湯。瘕用振瘕湯。

鼻衄

經絡熱盛迫血妄行出於鼻此為衄也是雖熱甚邪猶在經然亦不可發汗雖曰以桂枝麻黃治衄乃欲散其經中邪氣耳衄血故為欲解若衄不止而頭面汗出其身無汗及發汗不至足此又為惡証當明辯之。太陽經血及服桂枝湯後衄此為欲解也犀角地黃湯衄不止茅花湯無汗而衄脈浮緊再與麻黃發汗而衄脈浮

緩再與桂枝湯脈浮發熱口乾鼻燥能食此為欲衄黃
芩湯衄家不可發汗汗出必欲額上陷脈緊急直視不
能駒不得眠芍藥地黃湯。陽明病但欲嗽水不下咽
者此必衄黃芩芍藥湯。不咽下而自利而衄者麻黃
升麻湯。脈浮大數發熱下利鼻衄乾嘔者黃芩芍藥
湯衄而煩渴欲飲水水入即吐先服五苓散次服竹葉
石膏湯少陰病但厥無汗強發之必動血或從口鼻出
或從目出名下厥上竭為難治當歸四逆湯仍灸大谿
三陰交湧泉一法用黑錫丹。陶曰諸家說不同所以
後人不能措手一云無汗而衄麻黃湯有汗而衄桂枝
湯仲景衄家不可發汗為忌二者之間何可適從但衄
身涼者可與犀角地黃湯此涼內血也則禁發汗衄而
不多身熱無汗脈必當浮腎仍與麻黃湯。身熱脈浮
然而汗與麻黃湯不可不拘禁忌以此言之宜更在血
之多少上用藥為當耳

吐血

諸陽受熱其邪在表當汗不汗致使熱毒入臟積瘀內
遂成吐血凡見眼閉目紅神昏語短脈胃迷煩燥嗽水
當狂譫語鼻衄吐紅背冷足寒四肢厥冷胸腹急痛大
便黑利小便頻數皆瘀血証也不必悉具但見二便作

血証主張初得此症急宜治之。吐者則又難料理也。經曰服桂枝湯吐者其後必吐膿血犀角地黄湯。大平後寸脉浮沉遲尺脉不至咽喉不利唾膿血者珠黃并麻湯此有二証一陽毒二少陰陽毒升麻湯少陰甘桔湯加半夏生姜。血熱者黃連阿膠湯地榆散藥皮湯三黃瀉心湯脉浮發熱反灸之必咽喉吐血救逆湯咽喉閉塞不可發汗發汗則吐血氣絕手足厥冷踈臥不能自溫當歸四逆湯。

心悸

心悸者錄七然怔七忡七不能自安也其証有二一日

氣

心虛二日停飲其氣虛喘氣內弱心中空虛而為悸又有汗下之後正氣內虛亦令人悸與氣而悸者則又甚焉治法皆須定其氣浮也其停飲者由飲水過多停留心下心火惡水不能自安而為悸也治法必須分水氣雖有餘邪亦先治悸免使水氣散走而成他証也傷寒二三日心中悸而煩者小建中湯經云先煩而後悸者為熱先悸而後煩者為虛故宜建中湯。太陽病小便利者以飲水多故心下悸茯苓桂枝白朮甘草湯小便少者為裏豬苓湯陽明病壯熱往來心下悸小便不利心煩善嘔小柴胡湯。太陽病發汗過其人叉手自冒

心心下悸欲得按者桂枝甘草湯。發汗後其人臍下悸者欲作奔豚茯苓桂枝白朮甘草湯。太陽病發汗不解仍發熱心下悸頭眩肌躄動振上欲僻地者真武湯。少陽病耳聾目赤胸滿而煩妄加吐下則悸而驚。小建中湯。有熱者小柴胡湯。傷寒脈結代心動悸灸甘草湯。其人病四逆其人或悸四逆散加桂。心下有水氣逆而悸當先治水茯苓甘草湯。不然水入胃中必下利也。

發黃

內經曰溫熱相交民多病癘。上者單也單陽而無陰也。太陰脾土為濕熱相蒸則色見於外必發身黃溫氣勝則如蒸而梅熱氣勝則如橘黃而明傷寒至於發黃熱勝已極且與畜血大抵相類但小便不利者為黃小便自利者為畜血也。設或寸口無脈鼻出冷氣與天形如烟熏擗頭直視環口顴黑舉汗發黃是皆真臟絕也。傷寒痰血在裏身必發黃麻黃連翹赤小豆湯。太陽中溫發黃身熱頭痛汗出目黃寒濕在裏五苓散。施子藥皮湯。溫家之病一身盡痛發熱身色似黑黃小便不利五苓散。小便自利木附湯。身煩痛麻黃湯加蒼朮。一身尺疼所以為陰木附湯。宜詳味脈浮身重汗出惡

風防風黃芪湯。陽明傷風發黃易飢短氣腹滿鼻乾
咽燥必腹痛小便難潮熱咳嗽頭眩嗜臥脉弦浮大小
柴胡湯加茯苓。血証發黃如狂小便多大便黑犀角
地黃湯桃仁承氣湯抵當湯。陽明病脉遲食難用飽
飽則微煩頭必痛小便赤難此欲作穀疸雖下之腹滿
如鼓穀疸湯五苓散加茵陳。黃瘰脉浮滑緊數頭面
汗出渴飲水漿小便不利茵陳蒿湯調五苓散。初發
黃以瓜蒂散末口噙水搐鼻中黃水出去可黃而頭痛
者亦與頭眩者同

發狂

難經曰重陰者顛重陽者狂傷寒陰毒在胃併入於心
遂使神不寧而志不定故發狂也始則少臥不飢妄語
妄笑甚則登高而歌棄衣而走踰垣上屋皆發陽無熱
之所至非大下之不能正也亦有當汗不汗血瘀在裏
下焦畜血如狂者小便必利特如狂未至於狂耳若夫
狂言眼反直視便溺自遺其與汗後大熱脉燥狂言不
食又為有慮矣。重陽則陽毒脉數實狂走錯語煩燥
乾嘔面赤咽痛潮熱發斑或下利赤黃陽毒升麻湯麻
黃升麻湯。時行熱病妄如狂。經云太陽病不解熱
結膀胱其人如狂而血自下者愈若外不解與桂枝湯

外已解小腹急結。桃仁承氣湯。血証如狂脈微身黃唇燥嗽水無寒熱小腹滿小便利大便黑犀角地黃湯。桃仁承氣湯抵當丸取下黑物為効。

筋踴肉瞤

內經曰陽氣者精則養神柔則養筋發汗過多津液涸少陽氣偏勝而虛筋肉失其所養故惕也然而跳瞤也而動非溫經助陽不可也仲景故特証真武湯以救之或因發汗下吐後表裏俱虛而有此狀其人為逆之甚也。○太陽病發汗不解發熱心悸頭眩身瞤欲僻地真武湯。○肉瞤之証並用真武湯。羸人去芍藥有熱去附

子發熱過多或虛人取汗或風自汗妄用大青龍湯便有厥逆筋惕。○應發汗而腹中左右有動氣者並不可汗汗之則筋肉瞤或頭眩汗不止其候最逆先宜防風白朮牡蠣湯次服小建中湯十救一二耳。○汗吐下後多心逆滿氣上冲胸起則頭眩脈沉緊身振搖者茯苓桂枝白朮甘草湯久而成痿者同。○治心下痞滿者枳桔湯加茯苓甘草。

多眠

夫衛氣者晝行於陽夜行於陰行陽則寤行陰則寐陽氣盡陰氣勝則目瞋故多眠乃邪傳於陰不在陽也昏

昏閉目者陰司閉也默七不言者陰主靜也經曰太陽病十日已去脉細嗜臥者外已解也鼻乾不得汗嗜臥者風熱外攻不了乎表故熱氣伏於裏則喜睡也三陽合病但欲眠睡目合則自汗譫語則有熱也見盜汗條其胃熱亦嗜臥也風濕狐惑亦有此証當明辯之○太陽病十日已去脉浮細嗜臥者外已解設胸滿脇痛鼻乾不得汗者小柴胡湯脉但浮者麻黃湯○少陰病但欲寐尺寸脉俱沉細者四逆湯欲吐不吐心煩多寐五六日自利而渴小便白者四逆加甘草乾姜湯若復煩燥而不得臥者不治

不得眠

陽盛陰虛則晝夜不得眠蓋夜以陰為主陰氣盛則目閉而以安若為陽所勝故終夜煩擾而不得寧也所謂虛則夜爭者此也經曰鼻乾不得臥邪在表也若胃有燥屎與大熱錯語及大汗胃中燥而不得臥則為邪在裏也素問云胃不和則臥不安故宜脉熱和胃若汗吐下後虛煩不得眠又須施子豉湯以湧之至於少陽病熱熾於內而不得眠又宜扶陽散熱瘥後不得眠即熱氣與諸陽相併陰氣未復也有汗下大過陽氣暴虛而不得眠者若無熱証又宜姜附湯以退陰復陽不可不

知也。○太陽病二三日不能臥但欲起心下必結脈微者此本有寒而反下之若利止則結胸未止四日復下必脇熱利結胸理中丸脇熱利白頭翁湯。少陰下利咳而嘔渴心煩不得眠猪苓湯此有停水之候也若三四日不得眠黃連阿膠湯。病人小便不利大便乍難乍易微有熱喘胃不能臥者有燥屎也大下之復發汗晝夜煩燥不得眠夜時安靜不嘔不渴無表裏証脈沉微身無大熱者乾姜附子湯。汗吐下後心中懊憹虛煩不得眠梔子豉湯陽盛陰則狂言不眠亂夢心煩乏氣者酸棗仁湯陰盛陽則驚悸昏沉大熱乾嘔錯語呻吟不得眠犀角解毒湯燥煩竹葉石膏湯中風汗出脈濡而弱厥而且寒燥不得眠小建中湯。瘥後飲酒煩滿朝嘔亦用犀角解毒湯。

發斑

夫熱則傷血血熱不散裏實表虛熱氣乘虛出於皮膚而為斑也輕則疹子甚則如錦文或病本屬陽畏投熱藥或當汗不汗當下不下或汗下未解皆能致此大抵為兩証一曰溫毒即冬觸寒時至春天發汗不解邪氣不能出故發斑也二曰熱病即冬時溫暖感乖戾之氣遇春暄熱而發斑也慎勿發汗若發其汗重令開洩更

加斑爛也然而斑之前與蚊跡類發斑多見於胸腹蚊
跡只在手足陽脉洪大病人昏憤先紅後赤此斑也脉
不洪大病人自靜先紅後黃此蚊蠱也其或大便自利
拂鬱氣短燥屎不便果實齧者盧扁復生不能施其巧
矣凡汗下不解煩則咳嘔足冷耳聾便是發斑之候○
溫毒發斑黑膏生之咳而心悶下利嘔吐下部有瘡或
口瘡黃連櫛皮湯陶用葛根櫛皮湯○陽毒發燥狂走
妄言面赤咽痛身斑下利赤黃升麻湯表奴丸有下証
者調胃承氣湯○時氣發斑大青四物湯猪膽鷄子湯
○發斑通用升麻湯犀角地黄湯熱多玄參升麻湯

四物湯青木香一物湯○赤斑五死一生黑斑十死
一生

咳逆

咳逆者古人謂之噦是也傷寒至於寒可謂危矣大抵
餽近於噦餽者但胸喉間氣塞不均下通噦則吃吃然
有聲者也蓋胃氣本虛汗下太過或復與之水水寒相
搏胃氣虛逆而噦經曰跌陽脉浮則為氣餽又為脉弦
微則為噦此為醫各責虛取實之過也又為熱氣擁鬱
氣不得通而噦者輕則和解之甚則攻裏利之設若不
采腹滿而噦者脉散而無愈者雖遇良醫不能措手也

○傷寒表不解心下因水氣乾嘔發熱而咳或詢小柴胡湯去麻黃加附子。寸口脈浮大醫反下之為逆又飲冷水令汗大出水得寒氣冷必相搏其人即餒欬逆朝熱小柴胡湯加陳皮生姜。噦而腹滿大便不利先宜半夏生姜湯小承氣湯小便不利猪苓湯。陽明中風脈浮弦小便難潮熱而噦小柴胡湯加茯苓。嘔逆手足冷逆小橘皮湯若胸滿虛煩不安大橘皮湯胃虛冷吳茱萸湯理中湯噦不止者橘皮乾姜湯羌活附子散半夏生姜湯退陽散丁香瓜蒂湯皆宜消息用之。此皆脈微泄瀉之陰欬也易老去傷寒欬逆脈散者不治。

動氣

脈虛大便軟者瀉心湯便硬鞭脈實大承氣湯然此更宜看脈之便脈實勝者承氣再先之功。

動氣者藏器不調築此跳動隨藏所主而形見於臍之左右上下也。雖經亦常載之。又有真氣內虛水結不散氣与之持即發奔豚以其走痛衝突如豚之奔也。皆不宜汗下然而獨不當臍有動氣者脾為中州以行津液妄施汗下必先動脾是以不言而喻也。噫左右上下尚不宜汗下何況中州之氣其敢輕動之乎。嗟乎傷寒所以看外証為當蓋不在脈之可見必須問之方可發汗。

吐下可輕率之哉。動氣通用理中湯但去白朮加桂
白朮燥腎閉氣故云之桂洩奔豚故加之一法用柴胡
湯加桂枝亦良又用柴胡湯桂枝湯二方當看有熱乃
可。動氣在左不可發汗發汗則頭眩汗不止筋傷肉
潤為逆先宜防風白朮牡蠣湯汗止與小建中湯。動
氣在右發汗則衄而渴心苦煩飲則吐先宜五苓散後
宜竹葉石膏湯。動氣在上發汗則氣上沖於心宜李
根湯。動氣在下發汗則心中大煩骨節痛目暈食入
即吐宜先大橘皮湯後與小建中湯。動氣在左不可
下下則腹痛拘急身雖熱反欲拳先宜甘草乾姜湯後
與小建中湯。動氣在右下之則津液竭咽燥鼻乾頭
眩心悸宜竹葉石膏湯。動氣在上下之身熱自出。

蛇厥狐惑

蛇厥屬厥陰病人素有寒妄發其汗上後身熱又復汗
之以致胃中虛冷飢不欲食上即吐蛇其乍靜乍煩者
蛇或上而止也蛇聞食而即出所以食而吐蛇也。蛇
厥先用理中丸次用烏梅丸若誤下之利不止用四逆
湯。狐惑濕熱皆虫証也蓋腹中有熱食入無多腹胃
空虛三虫求食人之五臟也其候四肢沉重惡聞食氣

然七欲臥目不能閉舌白齒悔面目間赤白黑色變易
無常一食下部為狐惑下唇有瘡其咽乾虫食其臟為
惑上唇有瘡其聲啞治應通用桃仁承氣湯黃連犀角
湯雄黃銑散無陽者金液丹呬則備用而已越人尚望
而畏之也。厥陰為百合氣上冲心飢不欲食上即吐
蛇既曰胃寒復有消渴之証蓋熱在上焦而中焦下焦
則但寒而無熱矣。又有大便難一証並用理中湯加
大黃入蜜少許微利之。

百合

百合者百脉一宗舉皆受病無所經絡傳次也大病瘵

勞之後氣不平變而成此其狀似寒無寒似熱非熱欲
食不食欲臥不臥欲行不行口苦便赤藥入即吐利也
其脉微數每日頭痛者六十日愈但漸正然者四十日
愈若屎難則快熱但頭眩者二十日愈。百合知母湯
百合地黄湯滑石代赭湯雞子湯百合洗方選用

不仁

仁者柔也不仁者謂不柔和也經曰謂乘寒則為鬱胃
不仁蓋其氣血虛少不能周流於身於是正氣為邪氣
所伏故肢體頑麻不知痛痒寒温二厥如屍而鬱且胃
也設或脉浮而洪身汗如油喘而不休水漿不下形軀

不仁此則又為命絕矣。經曰少陰脈不至腎氣微少精血寒氣上奔血結於心下陽氣退下熱歸陰股與陰相動合身不仁此為死厥以鬱胃不仁為可治刺之而得痊者實神醫之診也。其草乾姜湯桂枝為藥湯加乾姜桂枝麻黃各半湯宜消息用之。

霍亂

霍亂者上吐下瀉虛霍而撥亂也邪在上焦則吐而不利邪在下焦則利而不吐若在中焦胃氣不治為邪所傷陰陽乖高遂上而不利止是嘔吐而利經謂之吐利必也上吐下利躁擾不安以致煩亂乃謂之霍亂其他

辨霍亂者有此其也古人有乾霍亂濕霍亂乾霍亂死者多濕霍亂死者少吐利則傷之物得而出淺胃中水穀盡止矣所以死者少其乾霍亂死者多以其上不得吐下不得利所傷之物不得出淺難閉正氣陰陽懸隔喘脹而死素問云飲食有節起居有常豈得有霍亂之証耶。霍亂頭疼發熱身痛熱多欲飲水者五苓散寒多不飲者理中湯。吐利汗出脈微惡寒手足厥冷拘急轉筋利理中湯加附子官桂加減見本方。吐利止身痛不休桂枝湯。既吐且利小便復利而大汗出下利清穀內寒外熱脈微欲絕者四逆湯吐下斷汗出而

厥四肢拘急不解脉微欲絕通脉四逆湯加猪膽汁。陶曰此言傷寒中吐利厥逆大抵屬寒故有理中九四逆之劑若尋常吐利轉筋夏天暑月霍亂者乃暑溫風三氣合而成者又不可一藥作寒証治之則死不旋踵矣宜五苓益元各半調服。

陰陽易陰陽交

男子陽易婦人陰易病新瘥而動淫慾也其候身重氣乏腹中絞痛頭不能舉足不能立四肢拘急百節解散眼中生花熱上冲胸在男子則陰腫在腹腹內攻刺在婦人則裏急腰重引腹內痛若手足拳上其脉離經皆

不可治或榮衛虛精髓竭翁上少氣手足不能舉動者引歲月而死疔內傷六氣外相七情其為害若是也欲學醫者先當自鑑也歟。燒裨散猴鼠屎湯竹皮湯乾姜湯青竹茹湯當歸白朮湯。陶云然上文設方如此其証有寒熱不若寒病用燒裨散入熱藥中調下熱病用燒裨散入寒藥中調下緣此通治易証下少却無有氣熱之分故用此法以為切當耳。陰陽交者溫病不得發汗汗之復生大熱狂言不食其脉躁疾是皆不治若浮數則証猶在可再汗之若脉沉實則為胃實又須下之汗後復熱者用此法再汗用桂枝湯再下用承氣湯

佛鬱

佛鬱者陽氣蒸越形於頭面體膚之間聚赤而不散也其証則有異矣大便鞭而氣短者實也汗下後而得噦者虛也二者當詳究而施治之○太陽初病得發汗不解去併入陽明續自微汗出而色赤者陽氣佛鬱也解肌湯或下之不激其脉浮緊與麻黃湯小便不利時有微熱大便乍難佛鬱不得眠此燥屎裏實也承氣湯○吐下後虛熱又復之其入佛鬱復與之水因而得噦此中寒也桂枝人參湯加茯苓

瘧後昏沉

生陰死之理也

戰慄

戰慄者陰陽爭戰故為之身搖也邪氣外與正氣爭則為戰邪氣內與正氣爭則為慄者正氣勝故有得汗而解者慄則不戰而但鼓頷遂成寒逆者有之此陰氣內盛正不勝邪宜姜附四逆湯加灸以禦之陰中於邪必內慄也又曰邪中下焦陰氣為慄足膝逆冷便溺反出皆與內耳方載惡寒條中如一病兼二三病者但於各條互相參考黑白自見同為一治耳

飲酒復劇

傷寒時症已解因飲酒復劇若煩悶乾嘔口燥伸吟錯語不得臥黃連解毒湯主之

循衣摸床

傷寒若吐下不解不大便五六日已上至十餘日已嘔潮熱不惡寒獨語如見鬼狀劇者則不識人循衣摸床傷而不安微喘直視脉微者但發熱譫語大承氣湯若一服而利則止後者脉弦者生濇者死

類傷寒四証

一痰証寸口脉浮滑寒壯熱惡風自汗胸膈痞滿氣上冲咽故不息但頭不痛項不強也而頭痛條中又云非

次頭疼涎作病以此言之痰症亦有頭疼更宜他証參考之。痰証柴胡半夏湯金沸草湯大半夏湯氣上冲咽不得息者瓜蒂散吐之。涎多者當隱七頭痛此証宜吐脉有寸浮者亦有寸伏者以意參之二食積閉脉數左手平和是也故曰人迎緊盛傷於寒氣口緊盛傷於食外証發熱惡寒但身不疼痛為異耳。食積膈實嘔吐食在上腕宜瓜蒂散吐之心腹滿痛者大柴胡湯下之及用浴中湯五積散大橘皮湯二陳湯三虛煩脉不緊數不頭疼身痛但煩而熱者是也謂虛煩與傷寒相似但不惡寒不頭疼身痛為異耳表既虛

土

則不可汗裏不實則不可下宜竹葉石膏湯虛煩不止
梔子升麻湯內寒外熱者陰旦湯叔和云虛損有熱不
可攻熱熱去則寒起竹葉石膏湯四脚氣頭痛身熱肢
節痛大便秘或嘔逆脚屈弱轉筋聞食氣則吐脚氣麻
浮而緊者起於風可汗而愈濡而弱者起於溫溫者溫
而愈洪而數者起於熱熱者下而愈遲而澁者起於寒
寒者慰而愈寒者三陰所患必冷越脾湯小續命湯加
生姜汁最快暑中三陽所患必熱小續命湯去附子減
桂一半脚氣論同加芍藥一倍煩燥柴胡最良脚腫木
瓜散栴榔散大便秘脾約元大三腕散脚氣傳足不傳

手所謂寒濕之氣傳於足也其蒸發則類傷寒初病起
於脚膝屈弱不能移動為異耳

傷寒麻法之圖

浮為在表

遲為傷風羌活湯去蒼朮加白朮汗不止加芍藥再不
止加黃芪緊為傷寒羌活湯依本方不作汗麻黃

中為半表半裏

弦為少陽小柴胡湯加減外証必有往來寒而嘔。緊
長在肌肉當解肌用葛根解肌湯或以神解散內去細
辛加乾葛石膏知母亦可

沉為在裏

遲為陰証初用乾姜理中湯不退用四逆湯。緊為熱在陽明初用大柴胡湯實甚方用承氣湯看表証全罷乃可

少陽脈論

不浮不沉非遲非數而微弦少陽之脈如按瑟絃者是也宜小柴胡湯羌活湯加柴胡半夏診得弦如循刀如新張弓絃則為真藏脈凡經云弦而無胃氣者死蓋風木之脈從乎中者前有太陽後有太陰兩之中離太陽未遠去太陰尚近故木二心而枝二葉側敷而不正生

故血經為病則兩脇疼痛者獲從木之義也止宜和解不可汗下汗則傷太陽下則傷太陰故則從乎中治小柴胡湯以和之。發汗後惡寒者虛也芍藥附子甘草湯。惡寒脈微而復利利止之道也四逆湯加入參。嘔吐不止理中丸。汗不解而惡寒者表不解也當先解表桂枝湯攻痞三黃湯。腹痛者桂枝去大棗微寒者桂枝去芍藥加附子厥而利者四逆湯。惡寒而踏時上自煩不欲奪衣大柴胡湯。亡血家不可發汗汗之則寒燥服小柴胡湯芍藥地黃湯汗弱者不可發汗汗之則燥不能自還當歸四逆湯

背惡寒

背為陽腹為陰背惡寒者陽不足也陽不足則陰氣盛陰氣勝者口中和氣內陷乾燥附子白虎宜分詳審焉○口中和背惡寒者屬太陰附子湯○陽氣內陷口乾燥背惡寒者白虎湯

寒熱

寒熱往來者陰陽相盛正交爭而作也蓋陽不足陰邪入於表而與之爭故陰盛而為寒陰不足陽邪入於裏而與之爭故陽盛而為熱邪居表多則寒多邪居裏多則熱多

可得聞乎

問承氣湯既有三等之殊治之必有淺深次第答曰藥之不同治之豈無緩急夫太陽陽明大承氣湯少陽陽明小承氣湯正陽陽明調胃承氣湯太陽陽明從太陽順傳來者自表之裏無形侵至有形用藥急少陽陽明從少陽逆傳來者陽明居太少二陽之中故從乎中治宜小承氣湯之緩也若夫正陽陽明本經傳於有形而用調胃承氣湯緩無二氣中傳來故不用枳實厚朴等燥藥或又問何方護何方緊答曰大承氣調胃承氣次之小承又次之有芒硝大黃猛烈之劑故也蓋

其邪在表當汗不宜下陽明為裏胃為成穀之海伏寒
在內不得舒轉故大便實而當下之往來寒熱而嘔邪
在半表半裏治之如何曰身之後曰太陽為陰中之陽
陽分也身之前曰陽明陽中之陰陰分也陽為在表陰
為在裏少陽居陰之中無出入之道不標本從乎中也
前有陽明燥金故發熱後有太陽寒水故惡寒所以有
往來寒熱也故用小柴胡湯和之亦名三禁湯者緣無
出入之道故不可發汗利小便下也有榮衛之半表半
裏有上下之半表半裏治之之法同歸於一也夫邪在
榮衛之間謂之半表半裏者榮衛乃身之內腠理經絡
之中是也經曰寒邪中人必先傷人之皮毛又曰賊風
虛邪者陽受之也必自高而下故經曰傷於風者上先
受之又曰陽病者上行病之在上欲入於腹胃氣實而
拒隔不得入故作嘔也皆以自淺而入深從高而至下
欲若解之誤從小柴胡湯可也

問大柴胡為下之緩劑有表復有裏者宜用之
故三承氣之先其中有血氣虛弱之人又不容
於不下於法更可緩乎

答曰大柴胡傷寒下藥與三承氣湯方次也為至緩之
劑也其間亦表証尚多或虛弱易動者只與小柴胡湯

內加芍藥大黃枳殼為至穩若血虛血少之人更加當歸尤妙緣內有人參甘草和中之藥故為穩也

問小柴胡湯為少陽表裏和解之藥也何婦人經病經水適來適斷為熱入血室小柴胡湯治氣藥也如何血病亦用之

答曰少陽東方發生之氣也在乎半表半裏之間自外而入者有之自內而出者亦有之故往來之不定也經曰身有病而無邪經脈閉者也又云月事不來胞絡血損邪犯純源二者皆血病也然俱屬厥陰生之厥陰既病則少陽之病亦沾染受累及其夫矣如律之婦女有病亦坐其夫男用女厥陰傳少陽之經有何不可夫傷寒有表有裏如頭疼身熱屬太陽目痛鼻乾不眠屬陽明表裏標本治之一差其禍非細治之之法須分經絡明運氣默想沉思怕風惡寒脈浮皆為在表此幾件中惟嘔惡心寒熱怕風惡寒在表親切傷寒但嘔便屬少陽止用小柴胡湯和解邪之中人必自淺而入深從高而至小淺而入深者先由皮毛肌膚腠理次傳臟腑高而至下者自頭達腹邪之欲入胃氣實而不納故嘔而出醫之不曉此理誤用下藥胃氣不虛邪因而入如此害人者多矣邪在皮膚之間必惡寒發熱脈浮促用九

味羌活湯解表俟其惡寒已去罷裏氣未和用大柴胡湯微溲之自然熱退身涼有何壞証所以解表未開不得攻裏惡寒未已便為表氣尚在攻之為逆經云一逆尚引日再逆促命期此之謂也若欲飲水大小便赤難揚手擲足不惡下反惡上則為入裏可先用大柴胡湯下之如熱甚諸承氣湯選用若夫傳變諸証間闕幽深初學未能悉達今將傷寒在表傳裏羌活湯方法加減干後詳而用之不可造次

加減九味羌活湯今易神解散

如傷寒但有惡寒發熱便用羌活湯此方常以羌活

水為君分兩倍於他藥傷寒無汗只依本方有汗去蒼朮加白朮汗不止心熱未退加細辛生姜黃芩再服汗未止加黃芪如覺口渴欲飲湯此欲傳裏加石膏知母胸滿者加只實頭痛者加川芎白芷三陽在表皆可
用此藥解之合病併病亦然但看何經中病耳在表者同歸一治是也其入裏又各分經而治之如太陽証多
加羌活防風蒼朮再不得汗少加去節麻黃芩加杏仁
少陽証加柴胡半夏黃芩陽明証加石膏風濕羌活防
風值天淫雨加蒼朮天今暄加柴胡黃芩脈遲疑似陰
証少加細辛如無他証只依本方分兩寒熱不退仍用

各經正藥諸經中小柴胡湯証多表証未解胃實大便
難方用大柴胡三承氣湯下之傳變諸經証欲其詳審
各方不可輕忽躡認俱出指掌若夫精微之理則又出
類矣夫加減之藥止可依使分兩不可與君主藥等如
臣不可喻君也本方內重加者亦增佐使之數入前藥
內凡用九味羌活湯可明顯諸仁密藏諸用切不可說
出本方湯名色簇無虛處關防剗搗碎使藥亂役不可
被人識破本來面目切記切記方在卷後凡看傷寒一
入病人家看他動靜如何醫到看病家荒與不荒坐定
良久茶畢心念安靜方始入臥處看病人氣色如何而

上乃無死氣察其臥處動靜如吐地上必有吐積如吐
痰必有痰孟喘必有靠物而坐若惡心必嘔之類然後
脰脉轉手察皮膚之脉浮與不浮次肌肉亦俟浮沈次
至骨肉若脉在皮膚則為太陽表証可汗更問頭痛項
頸骨脊間骨節疼惡寒之類相對浮肌肉則在陽明標
病可解肌羌活湯加石膏亦可按至肌骨之下方為入
裏若緊為熱在陽明本經大柴胡承氣湯之類更看外
証如若脉遲則為三陰用理中四逆湯更看外証好靜
常欲閉目口中和不渴不熱手足冷頭不痛欲裏小便
清白及下利清水清穀不化之類皆為陰証然後一

問病者所言某處有無痛大小便多少色之赤白無所
不問却將脉病相別病脉應與不應惟後無有死証死
脉甚難議方依次施治無有不效且要記死証極熟若
托大妄施必不能窺聖賢微妙之域也慎諸病家或醫
之人有問當依正條法度答畢常與討來的主動他不
可脉証不明全是虛妄如死証須要說知不可隱默雖
至親亦不可匿但說破意思教他另去請醫十分相逼
亦要說過與他調理用理合得藥餌如外証未罷藥以
他藥他治之外務須以意消息盡心介用加減如少陽
証用他藥治不去少陽証仍在用小柴胡湯之類傷寒
壞証為治之逆而不得本醫自不能救又被病家逼
方寸為之駭然而只得亂投湯劑傷損榮衛以致傳變
不常輕則危重則死豈淺見薄識者所能及哉雖在至
親亦却之可也

九味羌活湯今易神解散方出按華要明分兩

羌活 防風 蒼朮 生朮 川芎 白芷
黃芩 各一兩 細辛 甘草 各五錢

右九味看何經先受病及君臣佐使加減依前所說次
方用之不可均停此藥傷寒傷風頭頸背脊骨節痛之
仙藥也務在仔細推之

新刊陶節菴傷寒治例直指卷之一終

新刊陶節菴傷寒治例直指卷之二目錄

臨川節菴 陶華 尚文集

計散方一百一十二道目錄

桂枝湯 桂枝二越脾一湯 乾姜甘草湯 芍藥

甘草湯 調胃承氣湯 四逆湯 葛根湯 葛根

加半夏湯 葛根黃連黃芩湯 麻黃湯 大青龍

湯 小青龍湯 乾姜附子湯 麻黃杏仁甘草石

膏湯 桂枝甘草湯 茯苓桂枝甘草大棗湯 厚

朴生薑甘草半夏人參湯 茯苓桂枝白朮甘草湯

芍藥甘草附子湯 茯苓四逆湯 五苓散 茯苓

甘草湯 拖子豉湯 拖子厚朴湯 拖子乾姜湯
小柴胡湯 小建中湯 大柴胡湯 桃仁承氣湯
柴胡加龍骨牡蠣湯 抵當湯 桂枝去芍藥加蜀
漆龍骨牡蠣救逆湯 大陷胸湯 桂枝甘草龍骨
牡蠣湯 大陷胸丸 小陷胸湯 文蛤散 白散
柴胡桂枝乾姜湯 半夏瀉心湯 十棗湯 大黃
黃連瀉心湯 赤石脂禹餘糧湯 旋覆花代赭石
湯 桂枝人參湯 瓜蒂散 黃芩湯 黃連湯
桂枝附子湯 甘草附子湯 白虎湯 炙甘草湯
大承氣湯 小承氣湯 猪苓湯 蜜煎導法 猪

膽汁 茵陳蒿湯 梔菜煎湯 麻仁丸 拖子
皮湯 連翹麻黃赤小豆湯 麻黃附子甘草湯
麻黃附子細辛湯 黃連阿膠湯 附子湯 洗花
湯 猪膚湯 甘草湯 桔梗湯 苦酒湯 半夏
散 白通湯 白通加猪膽汁方 真武湯 通脈
四逆湯 四逆湯 烏梅丸 當歸四逆湯 麻黃
升麻湯 乾姜黃連黃芩人參湯 白頭翁湯 理
中丸 燒裨散 只實拖子豉湯 牡蠣澤瀉散
竹葉石膏湯 桂枝加葛根湯 桂枝加厚朴杏仁
湯 桂枝加附子 木附湯 桂枝去芍藥湯 桂

枝去為藥加附子湯 桂枝麻黃各半湯 桂枝二
 麻黃一湯 白虎加人參湯 桂枝去桂加茯苓白
 朮湯 葛根加半夏湯 桂枝新加芍藥生姜人參
 湯 梔子甘草豉湯 小柴胡加芒硝湯 桂枝加
 桂湯 柴胡桂枝湯 生姜瀉心湯 附子瀉心湯
 甘草瀉心湯 桂枝加大黃湯 黃芩加半夏生姜
 湯 桂枝加芍藥湯 四逆加吳茱萸生姜湯

陶節菴傷寒治例直指目錄畢

新刊陶節菴傷寒治例方卷之二

臨川節菴 陶華 尚文集

類諸方一百一十二道

此經方劑並按古法錙銖分兩與今不同謂如吹咀者
 即今之劉如麻豆大是也云一升者即今之大白盞也
 云銖者六銖為一分即二錢半也二十四銖為一兩也
 云三兩者即今之一兩云二兩者即今之六錢半也料
 例大者只合三分之一足矣三分即七錢半也

桂枝湯

桂枝 三兩 去皮 芍藥 三兩 味苦 甘草 二兩 炙 生姜 二兩

味辛 大棗 十二枚

右五味咀水七升微火煮至三升去滓温服須臾以粥

一升助藥温覆一時許遍身熱微但有汗者益佳不可

令如水流病必不除若一服汗出病瘥傳後服若不

汗更服又不汗再服若一日夜汗不出更作一服忌生

冷肉面五辛酒酪臭惡物

桂枝二越脾一湯

桂枝 芍藥 麻黃 甘草 各十 生姜 二兩 大棗 十二

四兩 石膏 二斤

右七味咀水先煮麻黃一二沸去沫却入六味煎去滓

温服

乾姜甘草湯

甘草 四兩 乾姜 二兩

右二味咀水三升煮取一升半去滓温服

芍藥甘草湯

芍藥 四兩 甘草 四兩

右二味煎法同

調胃承氣湯

大黃 四兩 芒硝 半升 甘草 二兩

右三味咀水三升煮一升去滓內芒硝微煮令沸少少

温服

四逆湯

甘草 二兩

乾姜 味辛熱

附子 一枚去皮臍入

片味辛大熱

右三味咀水三升

煮一升二合去滓温服強人可大附

一枚乾姜三兩

葛根湯

葛根 四兩

麻黃 三兩

芍藥 各二兩

甘草 各二兩

桂枝 三兩

右七味咀水一斗煮麻黃葛根減二升去沫內諸藥煮

取三升去滓温服一升覆取微微自汗不須啜粥如桂

葛根湯禁忌

葛根加半夏湯

葛根 四兩

芍藥 去

生薑 各二兩

芍藥 各二兩

桂枝 同

半夏 半升

右八味以水一斗煮葛根麻黃減二升去白沫內諸藥

煮取三升去滓温服三升覆取微汗

葛根黃連黃芩湯

葛根 半兩

甘草

黃芩 各二兩

黃連 三兩

右四味咀水八升煮葛根減二升內諸藥煮取二升去

滓服

麻黃湯

麻黃^{三兩}桂枝^{二兩}甘草^{一兩}杏仁^{七十箇}泡

右四味咀水九升煮麻黃減二升去上沫內諸藥煮取

二升半去滓溫服八合覆取微汗不須啜粥餘如桂枝

湯將息

大青龍湯

麻黃^{六兩}桂枝^{各二兩}杏仁^{四十箇}生薑^{切三兩}大棗

^{十二箇}石膏^{大碎}

右七味咀水九升煮麻黃減二升去上沫內諸藥煮三

升服三升取微汗汗多者以溫粉撲之一服汗停後服

汗色亡陽虛惡風煩燥不得眠也

小青龍湯

麻黃^{三兩}芍藥^{三兩}乾姜^{三兩}細辛^{三兩}桂枝^{三兩}甘草^{各三兩}

味子^{半升}半夏^{各半升}

右八味咀水一斗煮麻黃減二升去沫內諸藥煎三升

去滓溫服一升

乾姜附子湯

乾姜^{一兩}附子^{一箇}生用

右二味咀水三升煮一升去滓頓服

麻黃杏仁甘草石膏湯

麻黄^{四两}杏仁^{五十}甘草^{五两}石膏^{半斤}

右四味咀水七升先煮麻黄减二升去沫入诸药煮取

二升去滓温服一升

桂枝甘草汤

桂枝^{四两}甘草^{三两}

右二味咀水三升煮取一升去滓顿服

茯苓桂枝甘草大枣汤

茯苓^{半斤}桂枝^{四两}甘草^{二两}大枣^{十五枚}

右四味以甘烂水一斗先煮茯苓减二升入诸药煮取

三升去取一升温服日三次。作甘烂水法取水二斗

置大盆内以打粉之上者珠子五六千颗相逐取用之

又名扬汶水

厚朴生姜甘草半夏人参汤

厚朴^{一斤}生姜^{半斤}人参^{一两}甘草^{二两}

右五味以水一斗煮取三升去滓温服一升日三服

茯苓桂枝白术甘草汤

茯苓^{四两}桂枝^{三两}白术^{四两}甘草^{二两}

右四味以水六升煮取三升去滓温服三服

芍药甘草附子汤

芍药^{四两}甘草^{四两}附子^{一枚}

右三味以水五升煮取一升五合去滓温服疑非仲景
意

茯苓四逆湯

茯苓^{六兩}人參^{一兩}附子^{一枚}生甘草^{二兩}乾姜^{一兩}

右五味以水五升煮取三升去滓温服七合日三服

五苓散方

猪苓 茯苓 白朮^{十八銖}澤瀉^{二兩}肉桂^{半兩}

右五味為末以飲和服方寸寸三服多飲温煖水汗出愈

茯苓甘草湯

茯苓 桂各二兩 生姜 三兩 甘草 一兩

右四味以水四升煮取二升去滓温服三次

桅子豉湯

桅子 十四枚 香豉 四枚 合綿裹

右二味以水二升先煮桅子得二升半入豉煮取一升
半去渣分二服温進一服得吐者止後服

桅子厚朴湯

桅子 十四枚 厚朴 四兩 只實 四兩

右四味以水三升半煮取一升半去滓分三服温進一
服得吐止

桅子乾姜湯

施子十四枚 乾姜二兩

右二味以水三升半煮一升半去滓分二服温進一服得吐止

小柴胡湯

柴胡半斤 半夏各半 人參 黃芩 甘草 生姜各三兩

大棗十二箇

右七味水一斗二升煮六升去滓再煎三升温服一升日三服

小建中湯

芍藥 膠飴 桂枝 甘草 生姜各三兩 大棗十二箇

右六味水七升煮三升去滓入膠飴更上微火消解温服一升日三服啗家不可用建中湯以甜故也

大柴胡湯

柴胡半斤 半夏各半 芍藥 黃芩各三兩 枳實四枚 大黃

生薑各五兩 大棗十二枚

右七味水七升煮取二升半去滓大黃更上火微沸下火先食温服日三服當微利

桃仁承氣湯

桃仁五十箇 桂枝 芒硝各二兩 大黃四兩 甘草二兩

右五味水七升煮二升半去滓內芒硝大黃更上火微火

沸下火先食温服五合日三服微利

柴胡加龍骨牡礪湯

柴胡四兩 龍骨 牡礪 人參 鉛丹 茯苓 桂枝

各一兩半 半夏二合 大黃二兩 生姜二兩 大棗六枚

右十一味水八升煮取四升內大黃切如棊子更煮一

二沸去滓温服一升

桂枝去芍藥加蜀漆龍骨牡礪救逆湯

桂枝 蜀漆洗去腥 生姜各三兩 龍骨四兩 牡礪七兩 甘草

二兩 大棗十二枚

右為末水一斗二升煮蜀漆減二升內諸藥煮取三升

湯心六

桂枝甘草龍骨牡礪湯

桂枝 甘草 牡礪 龍骨各二兩

右為末水五升煮二升半去滓温服八分日三服

抵當湯

水蛭二十箇 蟅虫二十箇 桃仁五箇 大黃三兩

右四味杵分為四丸水一升煮一丸取七合服之晡時

當下血不下再服

大陷胸丸

大黃半斤 葶藶半斤 杏仁熬黑去皮尖 芒硝各半斤

右四味先搗篩大黃葶藶內杏仁芒硝合研如脂和散
取如彈丸一枚別搗其遂一錢七白蜜二合水二升煮
一升溫頓服一宿乃下如不下再服取下為効

大陷胸湯

大黃 六兩 芒硝 一斤 甘遂 一錢

右三味水六升先煮大黃取二升去渣內芒硝煮一二
沸內其遂末溫服一升得快利止後服

小陷胸湯

黃連 一两 半夏 半升 栝蒌實 大者一箇

右三味水六升煮栝蒌取三升去滓內諸藥煮取二升

去滓分溫三服

文蛤散

文蛤 五兩

右一味為散沸湯和一錢匕服散 五合

白散

治傷寒

桔梗 具母 各三分 芫豆 一分去皮尖

右為末內芫豆內杵之以飲和和服強人半錢羸人

減之病在膈上必吐在膈下必利不利進溫粥一盃利

過不止進冷粥一杯身熱皮粟不解欲衣自覆者以水

濕之洗之亦令熱當出卻不得出當汗而不汗則煩假
令汗出腹中痛與芍藥三兩如上法

柴胡桂枝乾姜湯

柴胡^{半斤} 枳實^{四兩} 桂枝^兩 黃芩^兩 乾姜^兩 牡蠣^{二兩}
甘草^{八錢}

右以水一斗二升煮六升去滓再煎取三升溫服一升
日三服初服微煩再服汗出便愈

半夏瀉心湯

半夏^{半斤} 人參^兩 黃芩^兩 乾姜^兩 甘草^兩 三黃連^兩 六

棗^{十二}

右以水一斗煮六升去滓再三升溫服一升日三服

十棗湯

芫花^熬 甘遂 大戟 大棗^{十枚}

右等分為末各另研水一升半先煮大棗十枚肥者取
八合去滓內藥末強人服一錢能羸者服半錢能溫服
之平旦服若下少病不除者明日更服加半錢得快利
下後糜粥養

大黃黃連瀉心湯

大黃^{二兩} 黃連^兩

右以水煮麻沸湯二升漬之須臾絞去滓分溫再服

赤石脂萬餘根湯

赤石脂一斤 萬餘根 一斤碎

右以水六升煮取二升去滓三服

旋覆花代赭石湯七味

旋覆花兩 三 人參兩 二 生姜兩 五 代赭石兩 一 半夏斤 半 大棗十

箇 甘草兩 四

右以水一斗煮六升去滓再煎取三升溫服一升日三服

桂枝人參湯

桂枝兩 白朮 人參 乾姜 甘草各三

右以水九升先煮四味取五升內桂更取三升溫服一

升日夜一服

瓜蒂散

瓜蒂一分 赤小豆一分

右各為末已合治之取一錢能以香豉一合用執湯七

合煮作稀糜去滓取汁和散溫頓服之不吐者少匕加

得快吐乃止諸甘血虛家不可服瓜蒂散

黃芩湯

黃芩兩 芍藥 甘草各二 大棗十二箇

右以水一斗煮取三升去滓溫服一升日再夜一服若

嘔加半夏半升生姜六兩

黃連湯

黃連 乾姜 桂枝 甘草各三兩 人參二兩 半夏半升 大

棗十二

右以水一斗煮取六升去滓溫服一升日三服夜二服

桂枝附子湯

桂枝四兩 附子三枚 破生 生姜三兩 甘草二兩 大棗十二

右以水六升煮二升去滓溫服日三服

甘草附子湯

甘草 白朮各二兩 附子一枚 桂枝四兩

右以水六升煮三升去滓溫服一升日三服初服得微

汗則解熱食汗出後煩服五合恐一升多者宜服六七合為妙

白虎湯

知母 石膏 甘草 粳米各六

右以水一斗煮米熟湯成去滓溫服一升日三服

炙甘草湯

甘草四兩 炙 生姜三兩 人參二兩 桂枝三兩 生薑八兩 阿膠二兩 麥

門冬 麻子仁各半斤 大棗十二

右以清酒七升先煮八味取三升去滓內膠煇銷盡溫

日三服

大承氣湯

芒硝^三 大黃^四 厚朴^{半斤} 枳實^五

右以水一斗先煮二物取五升去滓內大黃煮取二升去滓內硝更上火微煮一兩沸分溫服得下餘勿服

小承氣湯

大黃^四 厚朴^二 枳實^一

右以水四升煮取一升二合去滓分溫二服初服當更衣不爾者盡飲之若更衣者勿服之

猪苓湯

猪苓 茯苓 阿膠 滑石 澤瀉^{各一}

右以水四升先煮四味取二升去滓內阿膠烱消溫服七合日三服

蜜煎導法

蜜七合一味內銅器中微火煎之稍凝似飴狀攪熱時急作冷則硬以內穀道中以人急抱欲大便時乃去之

猪膽汁法

大猪膽一枚瀉汁和醋少許以灌穀道中如一食頓當大便出

茵陳蒿湯

茵陳蒿^六 梔子^{十二} 大黃^二

右以水一斗先煮茵陳蒿減六分內二味煮三升去滓
分溫三服小便當利尿如皂角汁狀色正赤一宿復減
黃從小便去也

吳茱萸湯

吳茱萸一斤 人參三兩 生姜六兩 大棗十二枚

右以水七升煮二升去滓溫服七合日三服

麻仁丸

麻子仁二升 芍藥半斤 大黃一斤 厚朴一尺 杏仁一斤熬

右為末鍊蜜丸如桐子大飲服十九日三服漸加以利

為度

梔子蘗皮湯

梔子十五枚 甘草兩 蘗皮二兩

右以水四升煮取一升半去滓分溫再服

麻黃連軛赤小豆方湯

麻黃兩 赤小豆升 連軛兩 連翹根也杏仁四升 大棗

十二箇 生梓白皮苦 升 生姜 甘草各二兩

右以潦水一斗先煮麻黃再沸內藥煮取三升分溫三

服半日服盡

麻黃附子甘草湯

麻黃二兩 甘草二兩 附子一箇

右以水七升煮取麻黃一二沸去上沫內藥煮三升去滓溫服一升日三服

麻黃附子細辛湯

麻黃

細辛兩各三附子一箇破

右以水一斗先煮麻黃減二升去上沫內藥煮三升去滓溫服一日三服

黃連阿膠湯

黃連

阿膠二芍藥二黃芩一雞子黃二

右以水五升煮三物取二升去滓內膠烱盡少冷內雞子黃攪令相得溫服七合日三服

附子湯

附子

芍藥各三人參二白朮四

右以水八升煮三升去滓溫服一升日三服

桃花湯

赤石脂

一斤半金用半篩用乾姜兩一粳米一

右以水七升煮米令熟去滓溫服七合內石脂末方寸匕日三服愈除勿用

猪膚湯

猪膚

右以水一斗煮五升去滓加白蜜一升白粉五合熬膏

相得温分六服

甘草湯

甘草 二兩

右以水三升煮取一升半去滓温服七合日二服

桔梗湯

桔梗 一兩 甘草 二兩

右以水二升煮取一升去滓分温再服

苦酒湯

苦酒 半夏十四枚 鷄子一箇去黃內上苦酒著鷄子殼中

右內夏著苦酒中以鷄子殼置刀環中安火上三沸去

少少含熱飲不差更作三服

半夏散

半夏 桂枝 甘草各等分

右各搗篩合治白飲和服方寸匙日三服若不能散以

水一升煎七沸內散方寸能更煎三沸下火令小冷少

少嚥之

白通湯

葱白四兩 乾姜半兩 附子一箇生用去皮尖作八片

右以水三升煮取一升去滓分温再服

白通加豬膽汁方

葱白四乾姜一兩附子一枚生用猪膽汁一合
右以水三升煮一升去滓內猪膽汁人尿和合相得分
温再服若無猪膽亦可用

真武湯

茯苓 芍藥 生姜各三兩白朮二兩附子一枚

右以水八升煮三升去滓温服七合日三服咳加五味
子半升細辛乾姜各一兩小便利去茯苓下利去芍藥
加乾姜二兩嘔加生姜去附子足前成半斤少陰下利
滑穀裏寒外熱手足厥逆脉微欲絕身反不惡寒其人
面赤色或腹痛或乾嘔或咽痛或利止脉不出者通脉

四逆湯主之

通脉四逆湯

附子一枚生用乾姜四兩甘草二兩

右以水三升煮一升二合去滓分温再服脉者愈面色
赤加葱九莖腹痛去葱加芍藥二兩嘔加生姜二兩咽
痛加桂枝去芍藥利止脉出去桔梗加人參二兩少陰
病四逆或咳或悸小便不利或腹痛或泄利下重四逆
湯主之

四逆散

枳實 芍藥 柴胡 甘草

右各等分鴉脩白飲和服方寸能日三服咳加五味乾
 姜各五分并主下利悸加桂枝五分腰痛加附子一箇
 泄利下重以水五升煮薤白煮三升去滓以藥末方寸
 能內湯中煮一升半分溫再服少陰病下利六七日咳
 而渴嘔心煩不得臥猪苓湯少陰病得二三日口燥咽
 乾自利清水心下痛六七日腹脹不大便並用大承氣
 湯下之

烏梅丸

烏梅三百 人參 附子 桂枝 黃蘗 細辛各一
 黃連一斤 當歸 蜀椒去汗各四兩 乾姜一斤

右各鴉脩為末以苦酒漬烏梅一宿去核蒸五升米飲
 下以飯熟搗如泥和藥相得內臼中杵二千下丸如桐
 子大先食服十九日三服至二十九禁生冷臭食滑物
 當歸四逆湯

當歸 桂枝 芍藥 細辛各三兩 大棗二十箇 通草甘
 草各二兩

右以水八升煮三升去滓溫服一升日三服

麻黃升麻湯

麻黃二兩 升麻一兩 當歸二兩 知母一分 黃芩
 石膏八銖 白朮 乾姜 芍藥 天門冬 桂枝

茯苓

甘草各六

右以水一斗煮五升先煮麻黃減三分後下諸藥煮取三升日三服

乾姜黃連黃芩人參湯

右等分水六升煮取二升去滓分溫再服

白頭翁湯

白頭翁

黃蘗

秦皮

各三

右以水七升煮二升去滓溫服一升不愈再服一升

理中丸

人參

白朮

乾姜

甘草

各三兩

右為末蜜和丸如雞子黃大以沸湯數命和一九研細

溫服日三夜二腹中未熱增至三四丸不足湯依兩數

作餅片水八升煮三升日三服

燒裨散

右男取婦人裨當近陰處剪下燒灰水和服方寸能日

三服小便即利陰頭微腫則愈婦人病取男子裨當燒

灰如前法服

只實梔子豉湯

只實

三枚

梔子

十四箇

豉

一升

右先用清漿七升空煮取二升下豉更煮五六沸去滓

分作三服覆令微出汗

牡礪澤瀉散

牡礪

澤瀉

括萎根

蜀漆

流去

葶藶

商陸根

右等分異搗下篩為散入臼中杵之白飲和服方寸能

小便利止日三服

竹葉石膏湯

竹葉

二升

石膏

斤

半夏

升

麥門冬

升

人參

三升

粳米

升

右以水一斗煮六升去滓入粳米煮熟湯成去滓溫服

一升日三服

桂枝加葛根湯

桂枝

二兩

芍藥

二兩

甘草

二兩

生薑

三兩

大棗

十二枚

煎法同前桂枝湯

桂枝加厚朴杏仁湯

右以桂枝湯加厚朴二兩杏仁十箇煎法同

桂枝加附子湯

右於桂枝湯內加附子一枚炮去皮臍破六片煎法同

木附湯

右桂枝湯內去桂枝加白朮四兩煎法同

桂枝去芍藥湯

右於本方內去芍藥煎法同

桂枝去芍藥加附子湯

右於本方內去芍藥加附子一枚煎法同

桂枝麻黃各半湯

桂枝

十六兩切即芍藥

生姜

甘草

麻黃

各一兩

大

棗

四兩耐湯浸去皮尖

杏仁不用

右以水五升先煮麻黃一二沸去沫入諸藥煮一升八

合溫服六合

桂枝二麻黃一湯

桂枝

七兩

芍藥

六兩

麻黃

十六兩

生姜

六兩

杏仁

桂枝二麻黃一湯煎法同

白朮加人參湯

本方加人參三兩煎法同

桂枝去桂加茯苓白朮湯

本方去桂加茯苓白朮各三兩右煮服小便利則愈

葛根加半夏湯

本方內加半夏半升煎法同

桂枝新加芍藥生姜人參湯

本方加芍藥生姜各一兩人參三兩石煎法同

梔子甘草豉湯梔子豉湯內加甘廿二兩名枝子甘

本方加生姜五两煎法同 枝子豉湯因加生姜以治枝子

小柴胡加芒硝湯

本方加芒硝六两煎不解更服

桂枝加枳湯

本方內加桂枝二两共五两煎服同

柴胡桂枝湯

柴胡兩 桂枝 黃芩 人參 各一兩半 甘草兩 半夏 一合

芍藥 生姜 各兩半 大棗 六枚

右以水七升煮三升去滓溫服

生姜瀉心湯

生姜 四兩 人參 黃芩 甘草 各三兩 黃連 乾姜 各二兩

半夏 半升 大棗 十二枚

右以水一斗煮六升去滓再煎三升溫服一升日三服

附子瀉心湯

附子 一枚 黃連 黃芩 各一兩

右以沸湯二升清之須臾絞去滓內附子汁溫分作三服

甘草瀉心湯

甘草 黃芩 乾姜 各二兩 半夏 半升 黃連 兩

右以大棗六箇水一斗煮六升去滓再煎二升每服一

升日三服

黃芩加半夏生姜湯

本方內加半夏半升生姜一兩煎法同

桂枝加大黃湯

本方內加大黃一兩煎法同

桂枝加芍藥湯

本方加芍藥共六兩煎法同

當歸 四逆加吳茱萸生姜湯

本方內加吳茱萸二升生姜半斤煎法同

新刊陶節菴傷寒治例直指方卷之二終